

中國史學叢書

何炳松主編

梁
質
人
年
譜

湯
中
著

商務印書館發行

中國史學叢書

何炳松主編

梁

質

人

年

譜

湯中著

商務印書館發行



3 0661 5546 0

自序

昔讀藝風堂文集中之秦邊紀略跋知清初有梁質人份精於西北地理之學昨年揚州測海樓藏書散出余購得質人所著懷葛堂文集取而讀之見質人與熊孝感書述重遊秦塞之役及指摘丘文莊不知六衛之謬妄并謂凡書可閉戶而著惟地輿必身至其地嗚呼斯豈淺學之士所能言者今之人皆以爲治西北地理者至有清嘉道間自徐松張穆何秋濤始名家詎知二百數十年以前竟有身歷邊境以實地調查製成圖說如梁質人其人哉

秦邊紀略原名西陲今略劉獻廷嘗借錄副本

見廣陽雜記

徐松曾引入西域水道記

見卷三哈喇淖爾所受水之條

其書之價值可想然原書竟不傳於世清乾隆四庫存目雖載其書名而已逸其姓氏僅指爲康熙間人所作同治間安徽藩臺吳坤修刊於懷寧以爲乾隆時人所著舉人王灝刊於定州以爲靈縣李培撰已不辨作者之年代與姓名遑論內容質人尙著有十三陵圖說圖用宋人石刻開方法相方用指南針計里用跬步並訂正肅松錄諸書之誤

凡與朱字緣書

其書必有可觀惜亦散佚不

傳南京國學圖書館藏有鈔本秦邊紀略但非足本明嘉興沈曾植家所藏寫本最完足惜未見

質人除治地理之外尤長於古文王源云自易堂諸君子歿湯惕庵謝秋水相繼謝世後起者率多浮沉獨蔡靜子梁質人古文可稱後勁見居業堂文集卷六與梅綱長書余謂懷葛堂諸作實突過其師魏禧之文

質人文章學問既卓卓可傳而其氣節在明代遺民中亦不多見因志存光復而爲韓大任走數千里乞援於吳三桂恐明帝棲神之域湮沒於殘山賸水而徒步至昌平州謁陵寢攢宮爲作十三陵圖說其他禾黍之悲故國之痛流露於字裏行間者更不勝僂指彭士望曰余門下生之患難坎廩艱危誰有如梁生之甚而生之志則益堅氣益銳持大義雖百折九死曾不挫其毫末見躬堂文鈔卷七門人梁份四十序嗚呼質人可稱爲豪傑也矣竊怪如質人之學問文章氣節竟沉霾數百年無人爲之表揚作一翔實傳記能不代爲太息乎

近人所編之清史稿有梁質人小傳一篇寥寥數行不知所云蓋以王源所撰懷葛堂文集序及質人送張方伯往山海關序爲其作傳之藍本隨意勦集雜湊成文絕無傳記之價值見清史列傳七十七文

苑傳 嗣見日本內藤虎博士所著質人年譜約略翻閱頗稱完善而細按之闕漏錯誤層見疊出

其最著者對於譜主不辨生卒之年代及失記繫獄之大事至以江西清江之鹿渚誤認爲河南之鹿邑尤爲謬妄余始而詳校質人文集繼而博覽其師友之著述及各種方志中之列傳所蒐材料愈積愈多不忍棄置遂下筆編次此卽余作此年譜之緣起也

年譜之作固以譜主爲對象而與譜主有關係之人物亦當附錄按質人爲易堂弟子易堂在清初順康之間頗有聲於天下閩寧化之泉上粵東之北田新建之天峯星子之髻山南豐之程山江東之板橋浙之河渚虞山之宛溪與易堂相爲酬酢見彭士望與賀子翼書若輩多孤忠遺逸痛明社丘墟采山而隱質人之文章氣節直接間接受其影響甚大故依史家之例一併敘述

作此年譜有三難 一、質人一生事蹟無碑傳誌銘可以參考其自著懷葛堂文集有復伯兄書雖隱約述其家世然紀載不詳經再三探討而後乃能彷彿其始末 二、質人所作文字都不記撰述歲月非自文中細考其甲子及旁證他篇之事實與夫題跋評語之附見者懷葛堂集原刻本文後有評語題則無從分年編註若草草輯錄則難免參差失實之弊 三、易堂諸子與質人交遊有如全祖

望所云其人蹤跡非尋常遊士所閱歷故似有所諱而不令人知者見結埼亭集 劉繼莊傳 欲蒐集各人歷史按年附錄尤爲不易

余作此年譜匪獨對於譜主事蹟力求翔實卽與譜主有關係之人物非經考訂確鑿亦不敢率

爾編入例如萬斯同之生卒年代言人人殊黃百家則謂生於某年月日以康熙壬申四月初八

日卒於京邸年六十五萬季野先生墓誌銘 方苞則謂卒於康熙丁丑萬季野墓表 戊戌夏六月臥疾塞上 追思前言距其歿蓋二十有一年按

此推算卽錢大昕則謂康熙壬午四月卒年六十 萬先生傳 疑年錄所載崇禎十六年癸未而 卒於丁丑 錢大昕則謂康熙壬午四月卒年六十生康熙四十一年卒年六十係依錢傳推算而

劉坊所撰萬季野先生行狀乃稱生於崇禎十一年正月二十四日戌時卒於康熙四十一年四

月初八日京邸王司空儼齋明史館中劉撰行狀已收入碑 傳集補卷四十四 上列四說余以劉說爲最可信蓋劉

萬交契有十年之久行狀之作又徇斯同子世標之請其言必有依據且按諸王源所撰萬季野

六十序高士萬季野客京師成六十時丁丑春正月丁丑卽康熙三十六年距崇禎十一年確爲

六十是則季野生於崇禎十一年正月鑿鑿有徵而所載卒年月日復與黃撰墓誌銘相符王黃

兩氏皆爲季野親交此三者所記既屬吻合則自無疑義故余決以劉說入譜又如顧祖禹之生

卒年代陸心源三續疑年錄乃妄據姚椿晚學齋集遂謂祖禹生於天啓四年甲子卒於康熙十九年庚申年五十七實則誤以魏禧之生卒加於顧祖禹者心源號稱博雅而讀書疏忽竟至如此梁啓超素長考覈對於顧祖禹之生卒年歲亦欠於尋究彼云顧祖禹生卒年無考又云我考了許久考不出來見中國近三百年學術史一四九頁余據魏禮之言祖禹少先生七歲見魏季子文集先叔兄紀略乃推定生於崇禎四年辛未魏禮生天啓四年甲子祖禹復據無錫縣志卷三祖禹卒年六十三乃推定卒少七歲則生崇禎四年辛未於康熙三十一年壬申斯皆信而有徵者要之譜中記事悉經綿密考訂力祛踵訛增僞之病以上所云僅舉一端而已

年譜中所蒐資料以懷葛堂文集爲主並參考其他著述及各種方志然後擇要摘錄分年編入或將有關係之文字全篇掲載以明其一生之事蹟與學問思想之淵源讀此年譜者不獨能明瞭質人一生之歷史并可知清初時代之背景蓋質人交遊甚廣一時文人學者隱逸奇士藉以旁見者不尠焉

區區此作參考書籍不下四十餘種而主要文集往往翻閱至數十遍若遇有疑義而案頭無書

可考者輒寓書南潯嘉業藏書樓施韻秋主任託其檢查各書務得確證而後止

抑有一事尤堪追記者余以朱書爲梁質人摯友意謂其所著杜谿文集必多參考資料但逼求而不得旋由友人蔣君竹莊向無錫丁君仲祐處轉借而來時在一月二十八日夕陽西下之頃余得之狂喜篝燈讀之遂至午夜翌晨臥起聞機關槍聲如連珠不斷始知日軍已猛攻閘北余寓居虹口靶子路危樓一角適當火線之衝惟把卷誦讀不肯釋手因集中有梁質人西陲三書序足正秦邊紀略命名之失爰伏案寫錄不顧窗外之飛機炸彈聲也至三十一日砲聲四起危急益甚乃抱此文集出走餘書未攜一冊脫險之後卽以歸還原主竊幸借書之雅未傷編纂之功已竟濡筆述此聊以誌慨云爾

民國二十一年三月二十八日序於上海桃源村蕭友梅博士宅中時聞琴聲悠揚回想砲聲震耳之日有如霄壤湯中附識

參考書籍

懷葛堂集 原刻本 豫章叢書本

聆躬堂文鈔

寧都三魏集

謝程山集

警山文鈔

朱中尉詩集

廣陽雜記

二曲集

樞葉集

受祺堂文集 初刻 續刻

梁質人年譜 參考書籍

782.9
732
2

梁質人年譜 參考書錄

受祺堂詩集

恕谷文集

居業堂文集

獨漉堂稿

寒文集

漢陽五家詩選

國朝詩的

二十四泉草堂詩集

杜谿文集

戴南山集

望溪文集

安序堂文集

鮎埼亭集

道古道文集

潛研堂文集

章氏遺書

敬孚類稿

藝風堂文集

東華錄

聖武記

清史稿

碑傳集

碑傳集補

疇人傳

梁質人年譜 參考書籍

梁實人年譜 參考書籍

程山年譜

全祖望年譜

疑年錄彙編

讀史方輿紀要

江西通志

南昌府志

建昌府志

南豐縣志

星子縣志

清江縣志

陝西通志

興安府志

畿輔通志

漢陽縣志

無錫縣志

鄆志稿

四庫全書總目提要

鄭堂讀書記

近三百年學術史

梁質人年譜

質人名份江西南豐人家世寒微自占籍南豐歷七八世中間將仕郎三人耳曾未有一

邑諸生者見質人復伯兄書
懷葛堂文集卷一

明崇禎十四年辛巳質人生

質人長涂惕巖一歲惕巖卒於康熙五十九年庚子享年七十有九依此推算質人生於是年

涂君惕巖墓誌銘上略 易堂凝叔魏夫子多門下生為師門翹楚者君也君諱尙律字雲石晚

號惕巖中略 君生崇禎壬午十二月二十九日戌時終康熙庚子六月初五日丑時享年七十

有九中略 余與君同師門先君一飯下略 懷葛堂文集卷七

吳其矩長質人七歲康熙三十三年甲戌其矩年六十一依此推算質人生於是年

贈吳其矩序上略 吳子其矩學於躬菴彭夫子者也中略 吳子與先外舅為執友長於余七歲中略

甲戌余重游秦塞取道枹罕執爵壽吳子蓋徂夏吳子客枹罕年已六十矣下略 懷葛堂文集卷三



質人四十歲時魏叔子五十有七叔子卽卒於此年十一月時在康熙十九年庚申依此推算質人生於是年

彭躬菴撰門人梁份四十序 庚申伏日同勺庭及次兒厚本客鄧尉山中略是時余門人梁生份從勺庭南遊留金陵未至中略余年七十有一勺庭五十有七而生之年亦且四十下略

躬堂文
鈔卷七

己未春質人再至翠微年三十有九依此推算質人生於是年

魏敬士送梁質人歸南豐序上略己未春梁君再至翠微家先生相與談晝夜遂邀訓子弟姪於山中欲令其徙妻子而居焉中略孔子曰年四十而見惡焉其終也已今梁君三十有九其

見好於人者非一事下略魏敬士名世儼魏禮之子

綜合以上四條之考證質人生於崇禎十四年毫無疑義內藤譜誤作崇禎十三年庚辰質人生於此歲推其致誤之原因係曲解李草堂墓誌銘

按李草堂墓誌銘云草堂姓李諱一鳳字五文章堂其別號也中略生明崇禎三年十二月甲

子卒清康熙壬午四十一年三月癸巳享年七十有三中略余在弘齋夫子門牆日草堂已十年以長宜余知之審也懷葛堂文集卷七以為草堂長質人十歲依此推算質人卽生於崇禎十三年不知所謂十年以長者乃約略言其年之整數凡年長十年或十一二年者皆可云十年以長安得遽定爲長其十年耶

清順治二年乙酉質人五歲

是年質人溺於河

潘柳東八十序上略而余五歲溺於河亦與爲無異下略懷葛堂文集卷三

是年左良玉破九江金聲桓入南昌朱中尉議霧彭士望兩人挈妻子走建昌士望三至寧都見魏禧立談定交遂同中尉往依焉與諸子結廬金精之翠微峯講易談史爲易堂凡八九人

魏叔子朱中尉傳

翠微峯距寧都城西十里金精十二峯之一也四面削起百十餘丈西而金精者蒼翠袤延如列屏東而城大赤如赭中徑坻自山根至絕頂若斧劈然或曰長沙王吳芮之所鑿也張

麗英飛升蓋卽其處相傳自上古來無或登而居者歲甲申國變予采山而隱聞邑人彭氏因拆鑿磴架開道於山之中幹辟平地作屋其後諸子講易蓋所謂易堂者也予同伯兄季

弟大資其修鑿費丙戌春奉父母居之因漸致遠近賢者先後附焉

魏叔子舉徵舉記

當時易堂之經濟程山之理學髻山之節義鼎峙江西有聲於天下

見查小蘇九十序懷葛堂文集卷三

按易堂九子爲魏祥一名際瑞

善伯又魏禧稱冰叔又魏禮和公又彭士望稱林時益

稱朱名

議備明寧藩之彭任

中叔曾燦

青藜邱維屏

邦李騰蛟

皆以文章經濟名於時質人受業於躬

菴叔子又師事確齋

按程山諸子爲謝文洊

約齋甘京

健齋封濬

位齋黃熙

維綰危龍光

在固曾曰都

美公湯其仁

密齋等邵睿明

弘亦講學於程山學舍

謝文洊江西南豐人明季諸生年二十餘入廣昌之香山閱佛書

學禪既讀龍溪王氏書復讀陽明書遂與友講陽明之學年四十會講於新城之神童峯有

王聖瑞者力攻陽明文洊與爭辨累日爲所動取羅整菴困知記讀之始一意程朱闢程山

學舍於城西名其堂曰尊維時寧都易堂九子節行文章爲海內所重髻山七子亦以節概

名文洵獨反已開修務求自得國史儒林傳程山居南豐城西偏石圓砥可坐數百許人在獨孤

彈琴馬退石之左林塘幽閭修竹翳如堂三楹館室亭榭凡數處濬京與師約齋嘗授徒其

內吾易堂諸子每過必出所撰著述近日行事講貫連日夜互為規益星渚宋未有會一至

居旬日歎為生平僅事四方遠近之游而過之者殆無不知程山有謝子之學彭躬菴程山堂碑記程質

人曾受業於邵弘齋又因謝約齋得遊易堂彭魏二氏之門謝程山集己酉答吉安鄒勿非書之後有梁份注語云因先生

得遊易堂彭魏二師之門

按髻山七子為星子宋之盛後改名揚未與同里吳一聖敬余暉學查世球天查輅小夏偉

及門人周祥發講學髻山以節義稱於時宋之盛崇禎己卯舉人其學以明道為宗以識

仁為要晚讀胡敬齋居業錄持敬之功益密一髻山在縣南四十里形如三台時起雲霧

劉仙真人得道處上有廟祈禱輒應山巔有新民寺同治星子縣志卷二山川髻山當卽一髻山之簡稱

南康縣治東一里有東華山其北又有鯉山髻山皆當江水下流之口讀史方輿紀要卷八十八江四

六 此髻山卽屬南康縣則決非所稱星子縣之髻山也

清順治五年戊子質人八歲

是年質人友人劉繼莊獻庭王崑繩源生

清順治六年己丑質人九歲

是年歐陽憲元斌萬元斌卒年四十四憲萬為朱議霽所師事朱議霽即林確齋

歐陽子名斌元字憲萬號麗峯居士新建人家貧幼奇慧讀書目十行下終身不忘為諸生

受知蔡公懋德侯公嗣曾二學使以國士禮之而同邑姜公曰廣清江楊公廷麟尤相推重

中斌元生平師多於友每學一藝即下拜師事稱弟子必盡得其傳中丁丑始與樂平王綱

南昌彭士望交中後更交貴池方嘉渭句容朱議霽二人皆師事斌元為門人中甲申國變

總督呂公大器為南司馬延之同行南都初建時宮府百度草創館閣部寺諸大僚求習知

典故者咸推斌元下己丑幽憂病鬱卒年四十四無後彭朝菴書歐陽子十交贊後

朱議霽庚寅過喜歸來堂哭歐陽憲萬夫子 井井田廬好惟悲人已亡服衰無孺子待養

上高堂世誼多兄弟交情重死喪生平未了事終夜起皇皇朱中尉詩集卷三

是年熊極峯化殉節極峯爲見可兆行之父養及頤之祖

靜儉堂集凡二十卷清江熊極峯先生所著也中先生年二十六中萬曆進士爲行人十年

歷官御史川東道旣國變間關領海已丑當事欲迫見之先生謂其家人曰吾老矣何用復

生斯世爲以腦子密置茶杯中食之不效伴曰趣與來衆出乘間自投池水水淺救免先生

大怒謂其兒子曰吾死決矣且汝亦知大義者何遲我死也於是閉戶自經中時兵入驛騷

居者無寧宇先生文集遂亡其板最後仲子兆行字見購得印本六册藏於家禧與兆行爲

昆弟父子頤字養更受業於是頓首以書來請曰子爲舉其要而序之中先生諱化葬其贈

公於太極峯因自號極峯而學士大夫皆稱極峯先生云魏叔子靜儉堂文集序

清順治十二年乙未質人十五歲

是年魏昭士世微生昭士爲魏季子禮之長子

清順治十三年丙申質人十六歲

此二年質人就外傳學舉子業

質人復伯兄書云上略寒門衰祚力學無人心實傷之是以就外傳時輒妄自許必光大吾宗年十五六則視舉子業良不足學第俯首二三年取巍科如芥拾卽位極人臣非異人事略下

懷葛堂文集卷一

質人受業邵弘齋明睿當在學舉子業以前蓋質人十六歲李草堂已二十七歲草堂幼師弘齋

邵夫子長事李先生淑旦學舉子業參看李草堂墓誌銘淑旦名藩南豐人少以制藝名爲謝

約齋受業師後欲反師約齋引南大吉師王陽明羅近溪師胡宗德例約齋固辭欲逃入深山

乃以其子璧爲託未幾遂卒順治十五年正月李璧奉遺命執贊約齋門下參看謝程山集字

由此可知李淑旦死於順治十五年以前李草堂師事淑旦當更早於其時故質人與草堂

同學邵弘齋門牆必不在十六歲以後也

邵睿明字先士明諸生少穎異留心小學性理諸書及長刻意勵行傾產脫兄難出方脫人

非罪雖素不遜於己弗計也後山居講學不立門戶以爲道本至公豈容自私以成狹小遂

自號弘齋文洊進之以毅睿明應聲曰惟其不弘是以不毅先後受業者至百許人多博通

弘遠士而梁份汪瑤其最著者同治南豐縣志卷二十五人物三

清順治十四年丁酉質人十七歲

是年質人友人朱字綠書生

清順治十六年己亥質人十九歲

清康熙四年質人二十五歲

是年易堂魏叔子髻山宋未有會於程山先後會者近百餘人程山講學此為最盛程山年譜

清康熙六年丁未質人二十七歲

質人以家人逋稅繫獄者九年其時約在順治十六年至康熙六年之間

梁份少以家人逋稅繫獄者九年友人曾若武為饋食得不死中略若武有孝行後亦及躬菴

門下略 同治南豐縣志卷二十五人物三

上略年十五六則視舉子業良不足學第俯首二三年取巍科如芥中略不幸罹患難者九年

下略 復伯兄書 懷葛堂文集卷一

梁質人年譜

綜觀以上兩書所載可知罹患難者九年卽繫於獄中之九年也至其入獄之初當在十七八歲以後故推定質人繫獄之年約在順治十六年至康熙六年之間

清康熙七年戊申質人二十八歲

是年秋宋未有_之卒

謝秋水_文祭宋未有先生文 洊自癸巳甲午間已知南康有宋先生隱居講學心竊嚮往

之思一造其廬及後彭躬菴林確齋得交先生洊與先生亦遂通音問乙巳僧石與從先生至程山相見互傾倒時魏叔子教授新城先生以書付石與招至合程山諸子作旬日之聚彼此以學互質訂一時契合之樂自謂有生僅事丙午丁未輒有書牘往還質疑自丁未八

月十四得一書論禪者所見洊尙未及復戊申秋遽聞訃_{鬻山文}
_{鈔附錄}

清康熙九年庚戌質人三十歲

是年易堂詩人南昌危習生卒年四十七

余嘗謂習生詩在易堂中清絕一往如名山之有溪澗然而五言律其尤工也_{中略}習生與叔

子同年生年四十七卒魏叔子撰危習生遺詩序

魏叔子死於康熙庚申年五十七習生早卒十年故推定卒於康熙庚戌

清康熙十年辛亥質人三十一歲

質人娶謝思退進女為妻約在此年

彭躬菴撰門人梁份四十序上略年三十餘始娶婦經數年不一願堂下略文鈔卷七梁份少以家

人逋稅繫獄者九年上略既出跡弛不為人所禮獨謝進見而奇之取以女已同治南豐縣志卷二十五人物

三

謝進字思退於謝約齋為大父行願居門下引王文成待其叔祖克彰例家廟敘叔姪講堂

行師弟子禮約齋不從而進心師之每稱必曰先生程山年譜

清康熙十二年癸丑質人三十三歲

是年質人始以彭躬菴為師并卒歲在冠石侍林確齋先生

哭魏勺庭夫子文曰上略份事樹廬夫子於今八年下略堂文集懷葛卷八樹廬即彭躬菴之別號

叔子在翠微峯構草堂阻石爲池蓮華滿其中曰勺庭學者因稱爲勺庭先生康熙十九年庚申叔子卒自茲溯算質人師事彭躬菴當在此年

哭確齋先生文曰略上份前後至冠石皆不半載惟癸丑卒歲侍先生其教份之語已備載書

冊下略 懷葛 堂文集卷八冠石爲金精山諸岩之一金精山在寧都縣西北十五里翠山聯絡延袤四

與紀要卷八林確齋種茶處也

林確齋送梁質人歸南豐詩曰 終年頗覺傷哀樂得汝如逢絲竹音夕柝月明青壁路晨

門風入白頭吟孤生自分惟親劍老子何期遂斷金記得坡邊梅樹發停杯相望共苦岑朱中

財詩集 卷四 林梁之契合於此可見一斑

是年梁器圃卒年四十二

器圃爲北田五子之一生平慕倪雲林之爲人亦師法其畫閉戶讀書足跡不入城市顯者造請輒堅避不肯見或求畫雖甚貧亦璧不一作乙卯彭躬菴入粵而梁器圃則先二年歿

矣所謂北田五子者指粵東陳元孝陶苦子何左王何不偕及梁器圃之五隱君也參看彭躬菴贈

北田四
子序

易堂與北田頗通聲氣魏善伯和公兄弟及彭躬菴輩皆親赴南海訪北田諸子和公與陳
元孝尤相傾倒元孝寄題魏和公吾廬詩云今之人才可屈指魏季寧都隱君子獨澆
堂稿

是年十一月吳三桂舉兵叛清東華錄
聖武記

清康熙十三年甲寅質人三十四歲

是年吳三桂軍略四川湖南湖北等地東華錄
聖武記

清康熙十四年乙卯質人三十五歲

是年十二月質人自南豐至寧都金精山冠石謁林確齋先生

乙卯十二月梁質人自南豐至作 兵火縣延千百里草堂忽有故人來乍傳異說愁難信

詳載長書怯未開漫道三年牽別緒曾知此語倍離懷老夫家傍金精逕欲問神仙哀不哀

朱中尉詩
集卷四

讀此詩可想見當時兵戈滿地質人馳驅四方幾遭不測之禍而確齋對於質人之關切又

情見乎詞

清康熙十五年丙辰質人三十六歲

是年二月吳三桂將高大傑陷江西吉安未幾大傑死韓大任守之

東華錄

是年二月質人自江西抵長沙爲韓大任乞援於吳三桂三桂留質人觀戰

吳三桂據湖南兵駐松滋久乙丙之間和碩安親王統大兵自江西袁州直趨湖南兵至長

沙之東三桂聞穆將軍爲戰將不敢輕敵丙子

當係丙辰之誤

二月自松滋退軍長沙拒戰梁質人

自江西爲韓非有

即韓大任

求援三桂之意先敗安王而後援吉安訂於三月初一日合圍留質

人曰汝於壁上觀吾軍容歸以語東方諸豪傑也官山在長沙東南與瀏陽相值安親王軍

長沙東官山之後三桂軍長沙西連營岳麓山互數十里軍容之盛近古未有也三桂欲自

與安親王決戰諸將苦諫而止皆誓死以戰三桂坐瀏陽門樓質人以三桂命立城上安親

王發兵十九路自城北鐵佛寺後布陣至城之西南長數十里三桂亦發兵十九路以應之

將軍王緒先陷陣清兵合圍之數重旂幟盡偃金鼓無聲城上人盡失色以爲此軍全沒矣

少頃聞交鎗連發如急鼓清兵紛紛墮騎王緒軍衝突無前莫有撓其鋒者深入敵境獲全勝而返僞將軍吳應貴者三桂之姪也搏戰爲流矢所中貫腮墮馬夏國相力戰救之而歸穆將軍追至城下三桂於近城設伏以防巨象伏岡下敵至起而衝之清兵披靡而走交鋒者凡三路馬寶軍大捷餘殺傷略相當呼聲動天地血戰至日中天忽大雨交鎗不得聞各斂軍而退三桂初意氣吞官山先發十九路餘軍駐岳麓留爲更番地不勝則後軍繼之必平官山而後已及見應貴傷復值大雨爲之奪氣曰天意不測遂入城而守清兵亦掘濠不

復出未幾應貴死

劉繼莊廣陽雜記卷二

是年八月封位齋

濟

卒 位齋程山謝約齋之門人

質人撰封位齋先生墓誌銘

上略

先生崇禎十四年補博士弟子又十二年貢成均又八年壬

寅年四十有二舉丈夫子若而人執經門下若而人交易堂海內名下士若而人一旦執贄

素所友善之謝先生約齋頽首稱弟子與甘健齋京黃維緝熙曾美公曰都諸先生同堂合

席自以理學任君子以是推先生過人者大矣

中略

丙辰八月朔日終正寢距生天啓辛酉年

年五十有六

下略 懷葛
堂文集卷七

清康熙十六年丁巳質人三十七歲

是年四月吉安韓大任潰圍走合土寇竄踞江西各地當事屬魏善伯招撫事不成十月大任拔營降閩軍善伯遂遇害

魏祥字善伯以萬曆庚申六月二十有四日生十七補弟子員爲郡守所厄改名際瑞丁巳四月吉安韓大任潰圍走凡兩竄寧都之上鄉兵寇十萬還至蹂躪甚邑饋餉不支當事議招撫久未就而大任自言非魏伯子吾不信也當事以屬伯伯旣痛桑梓之禍無有窮期又所聞大任爲當世豪亦欲有以全之遂慨然行八月甫至江西兵邊從東路逼大任營大任遂疑伯賣已辭不見又有奸人欲牽率大任降閩軍以自成功名者遂日夜搆於大任大任旣敗十月十四日拔營走降閩伯遂遇害年五十又八

魏叔子撰伯
子墓誌銘

是年三月二十六日質人外舅謝退思進死於賊

質人祭族子源文上略余外父謝退思死於賊蓋丁巳三月二十六汝今死亦同是月日余於

外父初不知賊爲何人既獲賊以祭然後權厝於樂安三華山下略 懷葛堂文集卷八

南豐縣志明末進嘗從安格王舉兵以軍法殺人康熙乙卯其子從耿逆爲賊遇進樂安殺

之份聞變卽奮往殺盜劊其心肝祭畢而後殮進同治南豐縣志卷三十五人物三

按康熙乙卯其子從耿逆爲賊是指怨家之子從耿逆爲賊之時而言之謝進遇害年月日

應依據質人祭族子源文

魏敬士送梁質人歸南豐序云下略梁君自甲寅後奔走馳驅於四方過家門不得入者且四

五年又何能更至翠微相與論交乎下略 魏敬士文集卷三可知此四五年之間質人奔走四方國而

忘家其爲韓大任乞援猶志在光復也

清康熙十七年戊午質人三十八歲

是年正月韓大任以一萬餘人降康親王傑書軍八月吳三桂死於衡州東華錄

是年八月林確齋卒年六十一

奉國中尉朱議霧字用霖父統鎮中崇禎丁丑進士知江夏縣中略江夏公既卒於官推官同

年生某攝府印與公有怨牒取公修城費十數萬金籍相對勘而老胥憾公父子盡匿諸籍大索不可得中尉同公門人邑諸生張若仲及弟議霖日夜窮思所出入條記合算較原數十數萬金無少差另冊報老胥及推官見之大驚以爲神江夏公柩乃得還南昌而中尉自是得嘔血疾數十年且瘳且作以至於死中尉性豪邁敢大言見天下將亂專意結客招致方外異人冀他日爲國家用江夏公命師事太僕段公然海內所推三異人段其一也中略張若仲負奇才精擊刺中尉與爲兄弟交得其技僧辨文道士張還初深沉有大略中尉皆委心交之中略更師事新建歐陽先生斌元友南昌彭士望胡以寧樂平王綱福清林全春廣濟舒益其乙酉左良玉破九江金聲桓入南昌中尉彭士望兩人中略立挈妻子走建昌士望三至寧都見寧都魏禕立談定交遂同中尉往依焉與諸子結廬金精之翠微峯講易讀史爲易堂凡八九人中略及遷寧都士望嘗遊四方中尉以病多家居並督二家事既日貧中尉曰不力耕不得食也率妻子徙冠石種茶長子楫孫通家子弟任安世任瑞吳正名皆負擔親鋤舂手爬糞土以力作夜則課之讀通鑑學詩間射獵除田豕有自外過冠石者見圃間三

四少年頭著一幅布赤脚揮鉏朗朗然歌出金石聲皆竊歎以爲古圖畫不是過也中略晚又

好禪嘗素食持經咒尤嚴殺生戒中略戊午八月復病嘔血死年六十一下略死之日士望阻於

楚唯魏禧彭任親舉屍入棺含殮焉魏禧曰中尉來寧都時年二十有八予與季禮方壯並

願爲中尉死也中尉更姓林字確齋所製茶高妙遠近名曰林茶工二王草法詩於杜爲別

出人咸推服之然求書者中尉率書古人詩也楫孫負志氣力作先中尉卒幼子東孫士望

女夫也以謹愿稱魏叔子朱中尉傳

質人哭確齋先生文曰上略份竊謂人生天地百年之內得一二知己死且無憾份所中心誠

服而最受知者四人耳中略今樹廬夫子遠出而未歸先生與弘齋夫子釋大方師皆舍我而

去世之知我者盡矣份何知有人世之樂乎昔弘齋夫子嘗問冠石何以待子份以樹廬夫

子嚴父確齋先生慈母爲對而恕份所知取份所長於有過中而諒其無他者惟先生一人

耳中略已矣自今以往份之心誰復知之份之所爲誰教誨之份有過而誰救之是天非死我

先生而死份也下略文集卷八彭躬菴撰門人梁份四十序曰上略林先生卒生走三百里饑不

入門獨身走墓上哭之殞絕踰時蘇無一人知者下略林確齋愛護質人如慈母而質人痛哭確齋如孝子兩賢風義殊非今人所能企及

釋大方師者姓李名琪字共玉南豐人明諸生種學積行爲人篤摯少文與人交無貌言後棄青衿皈依廣濟爲弟子名圓智字大方痛通濟橋壞矢募建與大力日立大有關前向人稱說布施功德人爭踴躍投錢夜則與大有共論宗乘又嘗參學遠方喜言三教合一林確齋聞之大方終是其說而憂確齋病特甚方募橋時大方垂七十視諸少年僧相繼死竟攻苦茹淡勞跋涉募資終橋事所存雜著一帙大約依於忠孝建昌府志雜類志卷十之一仙釋是年夏秋與客冬質人來往於寧都南豐之間

舊冬來冠石略中今夏將歸略中份歸不二月再至至不三日而歸誰知一月之內先生竟奄然長逝乎哭確齋先生文

清康熙十八年己未質人三十九歲

是年春質人至寧都易堂又以古文辭遊四方

魏敬士送梁質人歸南豐序上略己未春梁君再至翠微家先生相與談晝夜遂邀訓子弟姪

於山中欲令其徙妻子而居焉下略魏敬士文集卷三

質人撰揭韓然文集序上略己未余以古文辭遊四方中略余十年中紆迴數萬里閱人多與物

無競下略懷葛文集卷二所謂十年中者是指壬申中與揭韓然遇於鄂渚以前之十年而言質人於

康熙癸亥之後馳驅關中塞上又遊京師及楚南楚北所經道路誠可謂紆迴數萬里矣

內藤譜謂是歲己未以前之質人生活得以推測是誤解文義

是年九月易堂邱邦士雜屏卒年六十六

邱邦士爲易堂九子之一寧都河東人禕之姊壻也中略所著易勦說易數歷書高三尺許皆

垂成未竟中略甲申後棄諸生服同諸子隱翠微山中中略己未九月病噎不食死年六十六魏叔

子擲邱
雜屏傳

清康熙十九年庚申質人四十歲

是年春質人以彭躬菴之命從魏叔子出遊且爲其門人

份事樹廬夫子於今八年視份猶子今年春更命從夫子出遊且爲其門人哭魏勾庭夫子文

質人從叔子遊無錫主秦對巖松館舍

歲庚申份從叔子魏夫子遊錫山主諭德秦太翁先生昆玉之館舍送丁酉典試秦太史序慎葛堂文集卷三

按秦太翁卽秦松齡字對巖弱冠中順治十二年進士康熙十八年舉博學鴻儒官至左諭

德其弟松偕字燈巖潛心陽明之學亦有聲於時其子道然字維生年五十二中康熙四十

八年進士官至禮科給事中

是年十一月十七日叔子從無錫赴維揚故人約舟至儀真忽發心氣病一夕卒年五十七時

質人從行

魏季子撰先叔兄紀略云上略先生諱禧字凝叔號裕齋欲自進於寬裕也宗派曰際昌丁喪

亂屏居翠微峯門前有池顏其庭曰勺庭學者稱勺庭先生叔子集行於世世又稱魏叔子

云先徵君生五子其二天故以伯叔季行先生爲人形幹修頤目光奕奕射人少屏善病參

朮不去口性秉仁孝寬以接物不記人之過與人以誠雖受給怡如也誘進後學惟恐弗及

然多奇氣論事每縱橫雄傑倒注不窮事會盤錯指畫灼有經緯思患豫防見幾於蚤懸策而後驗者十嘗七八義之所在卽攫禍患勿少恤略中先生兒時不樂嬉戲同學生或出外遊聞先生獨勤業不輟嘗嗜古論史斬斬見識議十一歲補邑弟子冠其曹略中迨甲申流賊陷京師天子死於社稷先生聞輒號慟日往公庭哭食不甘味寢不安席謀與曾公應遴起義兵勤王先徵君亦慷慨破產助之而李自成旋殄滅遂不果先生故善病謝棄諸生服隱居山中歲惟清明祭祀一入城而已因屏去時藝專古學教授弟子著錄者數百人方流寇之初熾也是時承平日久人不知亂且謂寇遠難遽及先生獨憂之尋山石結砦以衛家室經營措注皆有成法邑人倣效之得免寇攘之難時年二十一也而南昌彭躬菴士望亦於是歲來初予鄉人有主躬菴家者躬菴嘗語天下將大亂吾欲得遺種處予鄉人曰則莫若吾寧都矣山砦可居田宅奴婢我能給也躬菴果至主其家實吾鄰並躬菴日日從門外過予兄弟嘗目送之相語曰若人風度似不凡者然何以主是翼日躬菴復經過予兄弟遂下階揖躬菴曰子何爲者躬菴語以故且曰爲若人所給吾已移室至建昌矣將安適曰能過吾

館舍談乎曰甚善遂相與縱談達明躬菴慨然曰子兄弟可以託家矣於是躬菴遂急行逆其家人數步復返曰將與一好友攜僮俱來何如曰甚善至則林確齋時益也躬菴舟至河干先生方釥而喜極裸雙袖水濡濡滴髯髻走逆之延住於家後相與入翠微如一父之子蓋所謂易堂者也中略嘗出遊思廣接天下人物東南君子無不徧交之聞有隱逸道德士則崎嶇山水造訪請益而四方聞風趨赴者亦駢駟輻輳諸君子咸謂先生有古宰相才度惜乎齋志以沒也然所著左傳經世亦足徵其用矣中略戊辰嚴公沆余公國柱李宗孔薦舉博學宏詞累徵以病辭未就庚申十一月十七日從無錫赴維揚故人約舟至儀真忽發心氣病一夕卒時門人梁份從行遠近友人咸走哭於殯所而常熟顧景范祖禹獨先至祖禹少先生七歲先生與爲兄弟交比易堂其未能至者則於先生昔經遊處設位而祭海內士識與不識莫不惋惜焉生於明天啓甲子正月十三日享年五十有七嫂謝氏聞喪勺飲不入口絕食十三日死繼禮之幼子世侃爲嗣中略所著有古文集二十二卷目錄三卷詩八卷二集若干篇左傳經世若干篇梓其半皆行於世下略

賈人哭魏勾庭夫子文云門人梁份捧新刻夫子詩文集陳樞前躡踊而哭曰份奉命較讎
有成功矣乃夫子遽至是耶夫子固善病昨僕夫自真州至暮叩門心動從門間問夫子安
然後啓而納之書中亦言體大健以是份留數日待此集之成惡知二日內而病病而如是
哉中略夫子生平事功無從表見其發爲文字蓋時命之不猶然傳天下而垂後世必有讀其
書想見其人者昔夫子居廬陵萬山中份揭衣水行日夜百十里就區畫大事其後成敗不
失錙黍此惟份知之而未嘗與人言者意將見諸行事使蒼生實被其澤而夫子亦因以不
朽天乎何當斯時而不假以年不得行其志則豈一人之不幸哉下略

讀此文卽知魏叔子之學初以經世致用爲主因遭逢不偶乃發爲文章叔子亦自言曰讀
書不足經世則雖外極博綜內析秋毫與未嘗讀書同左傳經世自序賈人學術行誼頗類叔子故
叔子謂賈人可以傳吾學者也

清康熙二十年辛酉賈人四十四歲

是年賈人過鹿渚訪明遺老熊見可兆行留旬日

份三過鹿渚皆匆匆去獨辛酉留旬日見熊見可先生哀辭懷葛堂文集卷八

按熊見可為江西臨江府清江縣人清江縣志有熊見可列傳魏叔子鹿渚為清江縣之鎮靜儉堂文集序亦言熊為清江人

名見讀史方輿紀要卷八十七江西五內藤譜謂鹿渚在河南歸德府鹿邑縣并云見可為河南鹿邑縣人見讀史方輿紀要卷八十七江西五

後質人之交遊讀史叢錄二六八頁以河南之鹿邑視為清江之鹿渚可謂謬妄夫魏叔子文集及讀史方輿

紀要皆尋常習見之書而內藤博士竟未細讀豈不怪哉

是年謝約齋文卒年六十七

清康熙二十一年壬戌質人四十二歲

是年質人西行 十一月熊見可兆卒年七十有二

魏季子撰熊君見可墓誌銘云予兄弟於清江稱石交者祝仲立應鼈熊君見可黃嘉卿尙

賓而君與君長子頤為尤篤其始交也由南昌彭躬菴士望中按君諱兆行字見可晚號陶

菴中生父諱化萬曆辛丑進士由御史歷官吏部右侍郎以節介稱旣殉難諡文毅中崇禎

甲申流賊李自成陷京師烈皇帝身殉社稷乙西南京陷楊文正公廷麟舉義贛州而鄒芝

龍拔立隆武帝於福州君遂從文毅公入閩以資格知邵武縣事時浙江不守邵武密邇西省羽檄交馳過師絡繹不絕案牘山積君處之裕如時巡徼關隘以備非常邑之東鄉民勇敢可用而縣丞某者有幹略因令持縣檄諭其豪以保甲寓軍政鼓以賞罰激以忠義未幾杉關失守延平破鎮將宵遁潛師過邵有總兵袁某者繼至君就見留之袁曰師無鬪志軍無見糧其何能戰君聲色俱厲折箭與之期曰士死綬吏死職分也何敢以敵遺君父憂但前行二十里令當操糧至以聽軍令袁爲感泣還師君疾歸密語丞曰亟往率東鄉兵疾驅至隘口爲伏俟敵半度橫擊其中堅大軍遮其前可破而走也於是袁師行甫十里君單騎犖糧至一軍歡呼未及光澤十里與敵遇君親犯矢石甫接戰敵陣自亂遂大敗出關去是役也東鄉兵之力爲多事具邸報中捷聞帝勞之曰熊兆行有膽有力奮不顧身以殲厥強敵克復危疆武臣豈不媿死擬從軍功優擢但嚴關正需撫馭著授兵部職方司主事仍理縣事當是時鄭氏恃援立功矯虔自恣拒諫以失事機文毅公官少宰言不聽遂告病就養於邵而清師亦破仙霞關從上游入福州矣帝幸延平君乃奉父間道趨行在所中途遇盜

君徒手與格僅以身免乃復返邵邵之父老涕泣擁肩與轉致窮山中更相護匿父子卒得全以歸於是屏跡窮源與文毅公別塢而居一以詩文寄其悲怨己丑文毅公殉義當事索賄求益深君安之曰死晚矣復何憾旣知爲廉吏也事遂解因挈家遁避以養老母焉文毅公生四子君其仲也幼遲鈍橋捷多力嘗登危樓欄楯上行往來不墜年十七忽聰慧一歲通經義試輒冠其曹二十八中崇禎乙亥拔貢出李公若愚門方是時天子以四海多故國學者祖宗儲材之地也爰命京省學臣拔真才以收異效其試格一如鄉試場例君隨計偕上入國學文益雄傑祭酒許公士柔奇之置第一人歸益潛心經史八家之文而文毅公亦以建議忤柄臣引歸君見邦國多難流賊內訌陰結敢死士習騎射思以身捍牧圉不數年而有京師之變初老母疾病醫者束手君遂精於醫後亦嘗以醫藥往來鹿涪間先是禮兄弟嘗聞祝仲立及君於吾易堂彭躬菴心慕悅之壬寅予叔子禧南下君與頤自山中出相見頤深冠方袍矯矯持高節叔子與爲羣紀交因進頤以閱歷致用之權頤遂貶服毀容遊四方甲辰來易堂於叔子稱門弟子中略辛酉秋頤扶叔子輶自易堂歸壽州總戎黃公燕贊

以書幣迎君曰吾聞黃頗饒作略汝父尙健飯兒行勉之旣而黃有甘肅之移頗以親老薦
梁質人份君手書勉份辭義甚壯彌月誤用針石遂咯血不止病未三月卒時壬戌十一月
十一日也君生明萬曆庚戌年十一月十九日享年七十有二所著有靜適軒集復吟草痘
診約言醫略藏於家病革惟以文毅公靜儉堂集未續刻份西行爲念云頗泣請遺言不答
徐引頤手誦家祭毋忘告乃翁二語而瞑當隆武時君令邵武文正公起義贛州城屠公冠
帶死清水塘顏色如生郡將賈熊瘞之西郊黃尙賓爲太僕卿駐寧都皆清江人而彭士望
亦監司湖東及寧都城破士望傾資贖文正公之孤歸養焉而李公若愚許公士柔則先殉
義於北而祝應龍與予兄及禮則皆伏處山中未出也

下略
子集卷十四
魏季

質人撰熊見可先生哀辭云上略先生崇禎恩貢生也令建寧遭時不可爲艱難百折轉餉入
援卒無救於國運生平負氣節乃白髮卷然廢放詩酒間被服古衣冠賣藥市上更交節義
賢豪士而數十年間沉淪死喪不可紀極而先生亦賣志以沒中略先生每以大義屬後生尤
自許爲楚丘且能投石而超距志氣之盛可謂老而益壯矣惡知天之必欲泯滅先生哉份

聞計哀不自勝又恐頤不克節哀辭以抑情以慰頤

下略 懷葛堂文集卷八

讀魏季子所撰熊見可墓誌銘則知見可之經濟氣節及與易堂彭魏之交誼又知質人因養

及推薦於總戎黃燕贊始得徧遊秦塞劉繼莊云梁質人留心邊事已久遼人王定山

王係黃字之諱

諱燕贊爲河西靖逆侯張勇中軍與質老相與甚深質人因之徧歷河西地河西番夷雜沓靖

逆以足病諸事皆中軍主之故得悉其山川險要部落遊牧暨其強弱多寡離合之情皆洞如

觀火矣著爲一書凡數十卷曰西陲今略

廣陽雜記

然則質人著西陲今略得力於黃定山甚大若

非熊養及紹介則質人卽不能獲此機會而其父見可先生復手書勸勉至病革猶以質人西

行爲念可謂質人之知己宜乎質人聞計哀不自勝也

清康熙二十二年癸亥質人四十三歲

是歲彭躬菴士卒年七十四

躬菴少負大志周旋名公鉅卿間立義聲於天下其後或蹶或起

中略

遇事感慨激昂連類旁

及輟轢古今呼搶天地而不能自忍

下略 魏叔子撰彭躬菴文集序

躬菴之學以王陽明羅念菴爲宗其與程山謝約齋書曰略上陽明先生本堯舜惟精惟一括

之爲致良知體用完備愚智同歸乃聖學嫡脈然俱從萬死一生得來非可倖至略中其徒之

賢者徐曰仁冀惟乾輩又皆早歿獨令王畿假大耋之年鼓如簧之舌以依知解爲致良知

一時士大夫之無識者喜其圓融以爲易簡內足以濟其苟且沉溺之私靡然從風傾煽海

內獨念菴以私淑起而閑距救之以充養振之以峻潔著異端論良知辨以譏切之略下

又與髻山宋未有書曰略上前奉教謂良知不過是非之心乃四端之一未可以日光爲天而

念菴以打坐爲撒手法覺此心超然居萬物先則又似鏡光之於日光略中竊嘗謂從陽明念

菴二先生之書以仰溯周程朱陸諸先生之學其源蓋無不同者略下

躬菴對於門弟子最歎賞質人其所撰門人梁份四十序云略上余門下生之患難坎廩艱危

誰有如梁生之甚而生之志則益堅氣益銳持大義雖百折九死曾不挫其毫末此其所

易及哉略下射
堂文鈔卷七

清康熙二十三年甲子質人四十四歲

是年四月甘肅提督侯爵張勇卒

少傅靖逆侯張公勇者字飛熊陝西漢中洋縣人幼孤落拓有大度遭亂從軍騎射冠時初謁英王於楚王大奇之當是時關中麤定伏莽負隅者所在充牣王與公語諳其山川物俗甚悉乃趣公西歸見重督府孟公喬芳破巨盜賀珍解城圍轉戰南北山間股被數創名大著以散官守耀州既而超長右轄順治五年回紇叛從孟西征復臨洮府及蘭州涼州甘肅諸衛率先登河西平公功獨最特授甘肅總兵十二年疏請南征十三年冬取滇黔命爲右翼提督康熙元年進雲南通省提督二年秋玉門勿靖詔以見銜移甘甘有提帥自公始云

二十三年四月病歿

李天生撰靖逆侯張公傳續刻受祺堂文集卷一

周中孚鄭堂讀書記卷二載有張襄壯奏疏六卷作張勇咸寧人

清康熙二十五年丙寅實人四十六歲

是年明遺老寧化李元仲世熊子卒年八十五魏季子元仲與彭躬菴同遊黃道周之門著有寒支

集茲錄其答易堂彭李二氏書及律詩兩首誦其詩讀其文即可想見其人

答彭躬菴書云昔張駿表晉帝北伐其言曰虎期繼逆兆庶離主漸冉經世先老消落後生
慕戀之心日遠日亡痛哉言也今國變以來曾幾何日蓋有儼然先老蒙而颺言美叛帥爲
棄項就劉指正朔爲趙佗吳濟者矣豈俟日遠乃漸忘乎再答李咸齋書云歎運歷之變自
書史以來僅二三見而吾輩適遭之避地同塵都無是處忍死而已寒支初集卷六

別巫日如十年意外相值話次因索棋感賦二章一錄 哀矣無能共逐麋項秦還未了殘棋

每因慟哭糊青眼未忍猖狂斷老皮報國惟文堪大笑憶十年前予刻思報國恩獨惟文章日如見而笑之曰誰要文章 許

人以死固難知甲申國變日如問予若當此何以應之 當年獨有空山在耐聽秋墳唱鮑詩

續印帖印帖者曾子弗人懷予之詩也 懺除文字向枯禪余已死 去生來等坐眠偶然抗節宇文護僧亡名事

梁元帝梁亡出家字文護累書相招亡名峻却之 卻笑留衣僧大顛謝枋得北行劉洞送以寒衣不受詩云 一代才

如花頃刻千辛咀到蜜中邊心期零落餘孤調舉似何人解絕絃寒支初集卷二

清康熙二十七年戊辰質人四十八歲

是年質人客金州爲李筠菴刺史序有美堂集又爲劉體元廣文序一硯齋集金州爲陝西興安府之古名

有美堂集筠菴李先生所著也先生刺金州於今六載歲戊辰祛橐付梓氏成份讀未卒業而歎曰何先生之才之學之心大遠乎今之人耶中金州在秦嶺南介乎楚蜀千里間崇山荒谷虎豹多居民鮮少水火災殫屠戮相仍於數十年間土宇凋殘不可謂不極今觀於州民物安阜熙洽之風媲美於前代其誰爲之耶中先生治行在芷陽時爲天下最於金州既循良如是矣中份知先生政事文章之大者方自此始請序焉未有艾也有美堂集序

二
余客金州與劉子體元雅厚善已而出詩文相示久益交親已而齒雁行於今四載中劉子故世家子爲諸生爲鄉進士需次爲廣文中工真草書作詩文爲名下士中藏弄一硯以名

其齋且以名集下硯齋集序
懷葛堂文集卷二

按李筠菴名翔鳳遼東人自咸寧令擢守興安清初仍明制興安爲直隸在任七年康熙二年到任至二十九年劉應秋撰李公祠碑記云筠菴夫子自芝陽侯擢守魏興異數也下略參

安府志卷十三職官下州守
卷二十六二十八藝文志

芝陽卽咸寧之別稱咸寧爲西安府之附郭在府治東 府東三十里有霸陵城春秋時秦

繆公築霸宮於此昭襄王時謂之芷陽宮秦紀云秦襄王葬芷陽謂之霸上其後漢文帝起

陵邑於此因更名霸陵讀史方輿紀要卷五十三興安州曹魏稱魏興郡晉宋齊因之西魏稱金州唐乾

元初復曰金州宋元明因之萬曆十一年改曰興安州讀史方輿紀要卷五十六

筠菴爲當時循吏關中李天生因薦極推重之天生有贈筠菴之詩題曰筠菴自成寧擢興安

刺史喜賦長篇 仙李百萬葉結根通芳甸使君遼海枝敦紱帝京彥雙鳥辭彤雲舊都領

赤縣鳴珂自東來到處觀者羨二十微有餘春華照顏面聰明表莊臨事事如宿練中略司牧

首芷陽接塵蒙佳選更番裴糧徒每唱諸屬先中略辛勤濟世才屢以循良薦翻訝嘉績垂未

乘要衝便上庸擢蹇帷荒郡須手繕下略詩集卷二十五受祺堂

按劉體元疑卽撰李筠菴碑記之劉應秋也應秋與質人同時又籍隸興安似可信者一

府志卷二十六修仁壽橋碑記下署候選訓導郡人劉應秋與質人所稱需次廣文合似可

信者二 府志卷十九選舉志下貢生一項有劉應秋名與質人所稱鄉進士合似可信者

三

劉繼莊謂質人著西陲今略歷六年之久寒暑無間其書始成廣陽雜記質人西行在康熙二十

一年秋參看魏季子撰熊見可墓誌銘以六年計算成書恰在二十七年此六年之間想質人未離秦塞其

在金州爲李筠菴序有美堂集亦歲在戊辰並可引爲旁證又寄李乃颺詩云秦川六載共

悲秋飄泊依人塞上遊其在秦塞六年更無疑義內藤譜謂自康熙二十年魏叔子卒之翌年至二

十五年劉繼莊入燕京之前年是卽質人第一次在河西之時似有錯誤蓋質人西行是二十一年而

非二十年此錯誤一質人離河西應在二十七年而非二十五年此錯誤二內藤譜又於康

熙二十六年條下引廣陽雜記是歲劉繼莊獻庭由吳入都以爲前在都中卽見此稿是在

斯年殊不知此時質人尙在河西繼莊安得而見其稿耶

是年質人爲星子查小蘇轍作查氏重修族譜序又爲方士瑄作節母汪太君墓表士瑄之祖母並

方母徐孺人墓表士瑄之妻此時質人已由秦中回江西

查氏重修族譜序之後附查小蘇自記云略上寒族之譜如聚訟然新舊序言頗多各成一篇

文字而止莫有爲之剖決者中略轍任纂修自丙辰康熙十五年至今十二年未敢執一自信

得質老縱談旬日剖析疑義此序發明大禮義正辭嚴下略見懷葛堂文集原刻本

節母汪太君墓表云節母以清順治丙申年六月六日卒越三十有二年士瑄等始克以康

熙戊辰十一月十五日葬於大塢尖之唐由清江熊頤爲誌銘新城黃光會有記份於二子

學同師士瑄交份且久請表其墓上之石下略懷葛堂文集卷七

方母徐孺人墓表云份既表節母並書孺人之墓石懷葛堂文集卷七

清康熙二十八年己巳質人四十九歲

是年秋質人在京師

廣陽雜記云前在郡中余見其稿中略辛未之春余與質人遇於星沙狹路而其書在篋別來

一載又半質人亦鹿鹿道途未嘗改訂一字由此推得己巳年秋質人在京原書辛未作壬申當係傳抄之

說

清康熙二十九年庚午質人五十歲

梁質人年譜

是年夏質人與黃復菴同客衡州同知茹紫庭處

質人黃復菴六十序云上略庚午之夏君客余媼茹紫庭所與余同飲食居處浹旬日懷葛堂文集卷

三李雪木南遊草序云庚午九月茹司馬紫庭約遊南嶽下略可知庚午之夏質人與黃復菴

同客茹紫庭處紫庭方爲衡州同知時也

黃復菴新安人家於吳幼讀書識大義不習舉子業豪邁喜賓客走馬擊劍嶽嶽然當仁不讓爲識者所重甲寅逆藩耿精忠叛君與耿有舊爲仇家陷繫獄者十有四年乃家破而君

之學益進

王崑繩撰黃復庵隱君六十居業堂文集卷十六

茹紫庭名儀鳳宛平人通判西安府茹珍之仲子也少從宦西安就外傳輒恥章句學學經史務求大意識者器之尋以上舍生謁選輒以澄清天下任比宰岐山佐郡衡州守景東楚雄廣南府副使肅州初令岐山也關中李中孚顓李雪木柏講理學李天生因篤擅長詩則晉接館餐如宓子賤之宰單父任衡州則燕之劉繼莊獻庭江右劉元叔廷獻蜀劉忠嗣羽遜後先至禮遇三劉者不異三李君子以是多公能禮賢其次子桐娶質人長女故質人稱

之爲余媼茹紫庭云參看質人撰茹公墓誌銘

關中三李對於茹紫庭亦推許備至茲節錄其詩文如左

李中孚答岐山茹明府云上略憶昔承顧竊見丰姿秀出議論英發私心以爲器識過人及宰

岐下遙聞理煩治劇游刃有餘私心以爲政事過人不謂究極學術洞悉內外本末之分見

地亦復過人偶爾折衷便足千古下略二曲集卷十七

李雪木寄茹明府紫庭云上略以明府之才之學之品卽在南海北海東海西海無往不合下略

再寄茹公云寒山枯木自分斷在溝中明府薰以南風膏以春雨不覺淳淳然生氣復萌矣

下略附葉集卷三

壬戌九月過岐茹明府署中邂逅諸友爲十日飲予將還山詩以別之 四明毛石臺而爲

五陵客頭放二丈餒胸藏萬斛血河東許子秀西遊秦冀闕沾酒咸陽市鼻頭如火熱華山

王楷功老面冷於鐵結髮將三軍勇氣江河決主人燕趙市慷慨延豪傑築臺岐山下日與

鄒郭接劍履無珠玉賓客亦怡悅柏也披裘人聳聳兼啞拙長揖謝我友而臥太白雪附葉集卷

三 讀此詩即知茹庭署中賓客之盛及令岐山之時期

李天生撰茹明府紫庭初度序云初予旅食青門所與遊凡數子詩酒爲嘉會而昕夕過逢

好學深思心知其故者紫庭明府一人而已下略 續刻受 祺堂文集卷二 春日岐山詣茹明府紫庭感

舊述懷賦近體詩十首一錄 浪跡青門涕淚斑從君每一破愁顏狂呼憶醉藩亭酒穩臥仍

看郡舍山長許悲歌同漢苑更攜憑弔出秦關別來曷爲勞方劇猶得平原十日閒原注使 君處起

藩保遷別駕予即從明府遊 交祺堂詩集卷二十六

劉繼莊亦極推崇茹紫庭其言云與紫庭談諸葛孔明之出祁山屯兵五丈原之失歎陳壽

論孔明分寸不失觀場矮人未可與論古今也紫庭見解超卓迥出倫類天下不多見也廣 陽

雜記 卷二

清康熙三十年辛未質人五十一歲

是年春劉繼莊遇質人於長沙借錄西陲今略

梁質人留心邊事已久遼人黃原本誤 刊爲王定山諱燕贊爲河西靖逆侯張勇中軍與質老相與

甚深質人因之徧歷河西地中略著爲一書凡數十卷曰西陲今略中略前在都中余見其稿果

有用之奇書也方輿之學自有專家近時若顧景范之方輿紀要亦爲千古絕作然詳於古

而略於今以之讀史固大資識力而求今日之情形尙須歷練也此書雖止西北一隅然今

日之要務孰有更過於此者在都門匆匆袞袞無片刻之暇不得錄一通爲恨蓋其書規模

雖定尙未脫稿塗乙改竄滿紙須余自錄不可假手他人也中略辛未之春原書作壬申則反

必出於辛未二字之誤刊余與質人遇於星沙狹路相逢而其書在篋別來一載有半質人亦鹿鹿道途

未嘗改訂一字余留星沙尙有旬餘趁此光陰夜以繼日了此一願則河西五郡卽爲我囊

中物矣書凡五册册各百餘紙共計五百餘紙思欲節其繁文撮其綱要然不敢太略亦不

下四百餘紙乃縮爲蠅頭小草草草成形一紙可括其三四紙不過百餘紙耳遂奮然下筆

與日競先後焚膏以繼之經始於辛未二月初一日至二十二日近疆夷地暨諸夷小傳皆

錄畢矣尙有一册乃西域諸遠國及籌邊方略皆質人未定稿也此則俟之異日縱有餘力

亦不必寫而余全書已成全璧樂何如之廣陽雜記

是年質人送王都督肇庵之遵義序作於寧都

歲辛未都督王公肇庵實往鎮其地寧都之薦紳士庶咸德公不忍去競為詩文以祖餞余

僑居久聞其歌甚悉下略 送王都督之道義序 懷葛堂文集卷三

是年王汲公潔卒年五十五汲公為崑繩之兄曾為馬宛斯參訂釋史王崑繩撰先兄汲公行實居業堂文集卷十七

清康熙三十一年壬申質人五十二歲

是年春質人楚遊倦歸道出鄂渚序揭韓然文集見揭韓然文集序客鄂渚時與潘東柳四兄弟相周

旋東柳晦跡江臯亦隱君子也見潘東柳八十序 懷葛堂文集卷三

是年質人入秦

壬申張觀察魯庵霖承制府命迓余至秦見豔貞劉靜玉傳 懷葛堂文集卷五

按康熙三十一年川陝總督為葛思泰滿洲鑲黃旗人東華錄

是年顧景范祖禹卒年六十二三

魏季子撰先叔兄紀略謂祖禹少先生指其先叔兄七歲按魏禧生明天啓四年甲子祖禹少七

歲則生於明崇禎四年辛未 無錫縣志卷三十謂祖禹卒年六十二當爲康熙三十一年壬申三續疑年錄謂祖禹卒於康熙十九年庚申年五十七誤

易堂魏叔子禮極推許景范之人品學問景范事叔子亦如弟之事兒

寧郡魏禧客吳門見方輿紀要奇之曰此古今絕無而僅有之書也既交其人深沉廉介可

屬大事下略 魏叔子撰 顧耕石墓誌銘

景范少魏叔子數歲以兄事叔子爲之執繖捧溺器居然與昆弟相似爲人廉介僅有妻與

子子負薪身授徒無錫華氏當事聞其名羅致終不可得見真異人也彭躬菴與陳元孝書

清康熙三十二年癸酉質人五十三歲

是年質人居陝西張觀察魯庵幕中因徧交達官及諸名下士冬遊榆林縱覽河套道經甘泉

告縣令田啓盛修復泉水

份至秦與居停張觀察相得甚歡因得徧交達官及諸名下士頃一遊榆林縱覽河套地增

益所不知與熊孝感書

雕陰上郡開邑有以甘泉名者歲癸酉余以事之榆林經其地上略時維隆冬水澤堅冰雪彌

山谷飲水而甘因問泉所在邑耆老曰在城西南五里許伏荆榛沙磧中今涓涓然牛涔矣

余悵然太息久之略少選進守土詔之曰邑以泉名邑方與而泉伏榛蕪沙磧間涓涓然若

牛涔可乎今旣安集其人民矣是泉之修復豈異人任守土曰敬諾明年秋以修復聞略甘

泉令姓田名啓盛者也修復甘泉碑記
懷葛堂文集卷四

是年十一月王克承德世卒年八十一克承爲崑繩之父仕崇禎朝國亡變服爲僧痛野史載烈

皇帝多誣罔爲崇禎遺錄一卷居業堂
文集

清康熙三十三年甲戌質人五十四歲

是年春初質人得張魯菴治裝費百金始由長安啓程自河州西寧莊浪涼州甘州肅州折而

東南至靖遠寧夏而止七月杪返長安遂完成十年前記述未竟之書魯菴又以其所著可信

今傳後召梓人付之剞劂斯卽質人最有名之著作西陲今略是也此行取道枹罕遇吳其矩

贈之以序吳亦彭躬菴之門人又爲質人先外舅之執友參看贈吳其矩序
秦屬隴西郡晉惠帝永寧中張軌奏

置晉興郡晉志枹罕縣張軌分屬晉興郡前秦苻堅始置河州隋煬帝改爲枹罕郡唐復曰河州 方輿紀要卷六十

質人自長安與熊孝感書熊賜履湖北孝感人官吏部尙書告以重遊秦塞之故及預定行程之線路此書

當作於縱覽河套之後將發長安之前也七月杪返長安答劉體元書述塞上景象人物歷歷如繪并言向在黃定山所寡聞渺見未能成書今觀察魯菴張公爲成其美以所著可信今傳後召梓人剖劂以傳

與熊孝感書 都城數月朝夕左右承教誨頃有秦遊之役依戀不能別惆悵至今份至秦與居停張觀察相得甚歡因得徧交達官及諸名下士頃一遊榆林縱覽河套地增益所不知因念向客河西安有記述於四郡山川險阻凡耳目所及既可無疑其他得之傳聞見於方策亦皆可信然身未遊歷所知非真採撫舊聞豈無踵訛增僞緣飾成書之病此份十年中有不能自信者至今益疑更念河西時事邇來變遷向所習見今有不同非今昔參觀不足知得失擬欲重遊如漁父入桃源處處識之篋中多具楮墨左圖右書見聞並記以補向所不逮然雖輕裝策蹇非百金不足用居停主樂成其美欣然爲治裝今方整轡發長安

矣此行自河州西寧莊浪涼州甘州肅州折而東南至靖遠寧夏而止合客歲所遊西秦之邊盡是矣份竊笑言邊事繪方輿圖者類多勦襲臆擬如畫鬼魅欺人所不經見蓋地旣險僻士君子所罕遊居人又罕能文間有傳載得一漏萬置重舉輕無裨實用雖衛各有志而蕪穢虛文展卷欲昧宜乎邊事之難言也西寧之四衛敦煌之三衛載在史冊弘治末改沙州爲罕東左衛著於實錄皆非隱僻丘文莊知西寧有罕東不知左衛別爲一處忽略左字之增遂以七衛爲六祖制藩服一旦陸沉其爲謬妄豈淺小哉夫文獻無徵足跡未及執空文而肆其臆說則書之不可盡信類多如此文莊博綜今古猶且不免他何怪焉凡書可閉戶而著惟地輿必身至其地否雖虛心訪求精詳考核其不爲水經之河水經張掖文莊之六衛所惑者幾希黃河自元都實窮源始得其真七衛則葉進卿所考亦確而水經文莊之書行世已久往往亂真地形如此況其他哉昔臧旻於西城諸國大小道里遠近人數多少風俗燥濕山川草木鳥獸異物皆口陳而手畫之袁逢嘆曰班固西域傳何以加此河西較西域爲要地份才不逮古世之知我如袁逢者微閣下而誰耶異日且相見當爲閣下聚米

陳之瀕行率爾奉聞諸託朱字綠口述不宣

懷舊堂文集卷一

答劉體元 初春伏蒙吾兄手書問西行梗概併當匆匆未遑裁答及今六閱月邇來眠食何似幸示我以慰遐思七月杪份已返長安此行往還萬里以南方乘舟之人策馬五月登頓勞苦脾胃盡消且天西絕塞飲饌大異進食又不以時饑不得食飽則羅列當前夜臥土牀多蚤尤苦蟹蝨大於瓜子多至可掬一土牀藏可數升移衾榻臥地上則從屋椽間自墜下如雨寇密灑歷歷有聲一爲所暈則泡高起半寸搔爬急則痕破血流一二日內身無完膚居人咸露宿或擁妻子避屋上其地率平房覆土代瓦馬糞牛羊矢所薰蒸初至嘔吐不能止其人強半西羌次土達次回次西彝男女飲食臥起盡出人意想外言語不通展轉翻譯多非本意間爲畫地作字百十人無一識者塞上人與之相習無間惟操漢音差強人意耳份不善騎手足不便捷往往墜馬經河州漾卑川爲山椒林所觸仰墜馬後衣頓百結而身體幸無傷所經地自名販皮馬客姓名不使人知甚至爲人叱罵都不與校其狡黠者詔非賈客從僕夫詰難若譏察非常則遇之益恭常笑語友人曰謝靈運好山水所至人疑

以爲賊身好山水所至人疑以爲官大可笑也走河湟時賚公韓總戎知而晉接發馳騎前導所至謹烽墩千百夫長間佩刀屬弓矢盤帶拗韉以迎亟揮之不爲止出長城塞外則健兒十數騎握弓刀左右銀塔寺高僧綽爾吉類有功行彙奉爲活佛相與握手問勞若平生觀語意若能前知者爲設供帳如貴客至導看金銀佛銀塔諸寶器黃衣僧百數十趨踏執事惟謹瀕行出氍毹爲別往還報稱使數輩交錯道中絕不一問休咎河湟間知爲總戎客或厚餽贖則矢天日卻之於河西受二牝馬則皆十年所締交子與氏以餽贖爲有辭貧夫往往借口份切恨之友人笑曰河湟四郡朔方北地山水城郭各繪圖圖各有說西塞三邊盡入奚囊伏波之聚米臧旻之口陳手畫裴矩之西域圖記無能過者所得多矣可不爲貧乎份向在黃定山所寡聞渺見未能成書今觀察魯菴張公爲成其美以所著可信今傳後召梓人剞劂以傳然微定山發端不至此此則吾兄所素知也西行之概詳與孝感熊公書中別錄一通請益秋深風勁惟節宣自愛

懷葛堂文集卷一

朱字綠撰梁質人西陲三書序云上略余讀南豐曾子固元豐類藁載其先諫議公致堯有西

陞要紀十紀行世惜其書不傳吾友梁君質人份亦南豐人也以文章名於時願爲人魁奇好奇計多立義聲居山率鄉人十數禦千餘賊不敢犯身臨行陣自謂爲知兵性又畏流俗人知後乃衣短衣策匹馬遊幾徧天下念秦爲周漢唐都王者宅中必當復營豐鎬因西首秦關周覽久之三歷塞垣由西安而東北至於榆林北至於寧夏西北至於西寧河州又西北至於涼甘肅登嘉峪望合黎之山西絕嘉陵南浮漢又南至於興安東升太華三峯又東出潼關函谷以歸迴旋萬里窮西秦之疆境所至記其道里山川阨塞城堡兵衛之形蕃部彝族之衆法制戰守饋餉屯牧風俗之宜著西陲亥步二卷圖說四卷今略八卷傳之其人

人以俟來茲

下略 朱字
綠 杜谿文集

讀朱字綠此序卽知質人原著有西陲亥步二卷西陲圖說四卷西陲今略八卷其書似未刊行故云傳之其人以俟來茲而質人答劉體元書謂觀察魯菴張公爲成其美以所著可信今傳後召梓人割劖以傳又似已付梨棗顧魯菴於翌年六月自陝西驛傳道升任安徽按察使見東華錄則其離陝距茲不滿一年未必能代爲刻竟江夏劉湘燴爲康熙中葉雍正初

年人自謂梁懷葛著秦邊紀略有書無圖湘燴得圖以校其書叻合疑卽梁園云云

章氏遺書卷二

十六劉湘燴傳湘燴幾與質人並世若質人所著西陲三書均已刊印則何致謂其有書無圖耶迨

乾隆開四庫館時直隸總督探進此書已不著撰人名氏

見四庫全書總目史部地理類邊防屬之存目中

同治間

安徽藩臺吳坤修刊於懷寧以爲乾隆時人舉人王文灝刊於定州以爲藍縣李培撰已不辨作者之時代與姓名至其板刻內容與原書有出入更無論矣

按劉繼莊之廣陽雜記姜西溟之懷葛堂文集序朱字綠之西陲三書序皆稱其書曰西陲今略而劉湘燴始題爲秦邊紀略不知何據今世流傳之寫本及吳王兩刻亦稱秦邊紀略或沿襲湘燴所題之書名耳

質人成此西陲三書得力於張魯菴前已言之魯菴蓋豪俠好士之流也傳雲龍畿輔通志

列傳卷二百三十六記魯菴之事頗詳茲節錄如下 張霖字汝作號魯菴晚自號臥松老

列傳卷四十四

柄由貢生歷官福建布政使署雲南巡撫緣事落職家居

按津門徵獻詩引張虎士之嘯崖凡傳略云吾高祖魯菴公少孤既

任福建藩司年方四十餘以母早歲助勞家業未獲頤養卽告養旋里不復出仕又懷葛堂

文集如送張方伯往山海關序及寄劉忠嗣書謂魯菴張方伯退居一室云云皆稱方伯

而未有稱中丞者可見僅官至園亭甲一郡集江南北諸名士唱和其中一時如姜宸英梅

文鼎趙執信吳雯朱彝尊徐蘭方苞皆主其家文酒之讌無虛日著有閒居堂稿霖子坦字

逸峯號青雨康熙三十二年與弟壻同舉於鄉官內閣中書幼學詩於王士禎學書於趙執

信能得其家法著有履閣詩集喚漁亭詩稿

是歲在秦與張采舒定交見張采舒韻樞誌銘

懷葛堂文集卷七

清康熙三十四年乙亥質人五十五歲

作明威將軍和鈞天墓誌銘 和鈞天葬於善化此時質人似在長沙參看明威將軍和君墓誌銘 懷葛堂文集卷

七

是年劉繼莊獻庭卒年四十八

王崑繩撰劉處士墓表云劉處士諱獻庭字繼莊號廣陽子大興人生於戊子七月年四十

有八卒於吳中略處士穎悟絕人博覽負大志不仕不肯爲詞章之學年十九親歿挈家而南

隱於吳中略久之西南大亂民惶惑不聊生處士乃入洞庭山學益力亂定妻張氏旋卒於是

慨然欲徧歷九州覽其山川形勢訪遺佚交其豪傑博采軼事以益廣其見聞而質證其所學處士於禮樂象緯醫藥書數法律農桑火攻器製旁通博考浩浩無涯淡中若處士者

其生其死固世運消長所關而上下千百年中不數見之人也下略居業堂文集卷十八

全謝山撰劉繼莊傳云劉繼莊者名獻庭字君賢順天大興縣人也先世本吳人以官太醫遂家順天繼莊年十九復寓吳中其後居吳江者三十年晚更遊楚尋復至吳垂老始北歸竟反吳卒焉崑山徐尙書善下士又多藏書大江南北宿老爭赴之繼莊遊其間別有心得不與人同萬隱君季野於書無所不讀乃最心折於繼莊引參明史館事願隱君景范黃隱君子鴻長於輿地亦引繼莊參一統志事繼莊謂諸公考古有餘而未切實用及其歸也萬先生尤惜之中略繼莊之學主於經世自象緯律歷以及邊塞關要財賦軍器之屬旁而岐黃者流以及釋道之言無不留心深惡雕蟲之技其生平自謂於聲音之道別有所窺足窮造化之奧百世而不惑嘗作新韻譜中略及余出遊於世而繼莊同志如梁質人王崑繩皆前死不得見卽其高弟黃宗夏亦不得見故不特繼莊之書無從踪跡而逢人間其生平頗未杳

無知者略中近者吳江徵士沈彤獨爲繼莊立傳蓋繼莊僑居吳江之壽聖院最久諸沈皆從

之遊及其子死無後即以沈氏子爲後然其所後子今亦亡矣故彤所爲傳亦不甚詳若其

謂繼莊卒年四十八亦恐非也繼莊弱冠居吳歷三十年又之楚之燕卒死於吳在壬申以

後則其年多矣下略 鮚埼亭集卷二十八

全謝山疑劉繼莊之卒年不止四十八恐未見王崑繩所撰之劉處士墓表崑繩與繼莊既爲

好友其所記當爲可信

清康熙三十六年丁丑質人五十七歲

是年正月質人在京師與王崑繩源諸友壽萬季野斯六十內藤譜誤列於康熙四十四年壬午之條

高士萬季野客京師成六十時丁丑春正月中予與南豐梁質人嘉禾吳商志新安宋豫庵

黃自先蔡瞻岷漢水楊東里福清許不棄黃叔威龍眠戴田有孫幼服毘陵錢亮功下相徐

壇長共置酒商志寓爲萬子壽居樂堂文集卷十六 王崑繩撰萬季野六十序

清康熙三十七年戊寅質人五十八歲

是年質人客京師爲周儀一作告別倡和詩序內藤譜誤作周子儀

周子儀一遊燕公卿大夫爭結襪四方士至者爭讖面皆樂與遊周子亦樂客於燕歲戊寅

周子一旦爲詩以告別下略告別倡和詩序
懷葛堂文集卷三

是年質人遊楚南因友人陳繹思作甘工科奏疏序

工科條奏凡五疏觀察甘公在諫垣時所上也中戊寅遊楚南因繹思交甘公下論其五疏

之傳者繹思曰善請因以爲序甘工科奏疏序
懷葛堂文集卷二

是年十月張魯菴升任福建布政使東華錄

是年十二月吳門醫隱徐雲若卒年四十三

王崑繩撰徐雲若墓誌銘云予聞東南多隱君子己卯至吳故老皆無存者有醫隱曰徐雲

若卒於前一年十有二月其生也以丙申之八月中徐俟齋先生名枋明壬午舉人隱山中

四十餘年以歿與君善多病君每攜藥入山視之歲凡數四以爲常寧都會青黎寓於吳北

遊客死一女五齡君撫之長而嫁之其孝義爲鄉里所重而力足以濟之者醫也中君諱仁

蘇別字曉石年四十有三居業堂文集卷十七

清康熙三十八年己卯質人五十九歲

是年質人在湘作鄒節婦傳

今年己卯節婦一周甲子中略贊曰余遊瀟湘間鬱鬱久遯近交吳西潭雅相善朝夕過從具

得節婦生平事西潭節婦兄其言之詳也固宜鄒節婦傳懷葛堂文集卷五

是年張采舒往長沙訪質人

張采舒名翬蘇州上沙人中略嘗坐事流關中略甲戌余重遊秦相與交善居五年省余於長

沙下略懷葛堂文集卷七

是年姜西溟英卒年七十二西溟序質人懷葛堂文集謂其爲文鈎貫經史包括古今又言

質人所著之西陲今略凡西塞三邊環七千里之地形勢瞭然在目

全謝山撰湛園姜先生墓表云先生諱宸英字西溟學者稱爲湛園先生浙之寧波府慈溪

縣人也少工詩古文詞中略當是時聖祖仁皇帝潤色鴻業留心文學先生之名遂達宸聽一

日謂侍臣曰聞江南有三布衣尙未仕耶三布衣者秀水朱先生竹垞無錫嚴先生藕漁及先生也又嘗呼先生之字曰姜西溟古文當今作者於是京師之人來求文者戶外恆滿會徵博學鴻儒東南人望首及先生掌院學士崑山葉公案葉公即葉子吉方謨適以宣召入禁中泱月既出則已無及矣於是三布衣者取其二而先生不豫翰林新城王公案王公即王貽上士禎歎曰其命也夫已而葉公總修明史薦之入局以翰林院纂修官食七品俸仍許與試尋兼豫一統志事凡先生入闈同考官無不急欲得先生者而先生亦疏縱累以醉後違科場致斥中常熟翁尙書案翁尙書即翁叔元寶林者先生之故人也最重先生是時枋臣案枋臣明珠方排睢州湯文正公案湯文正即湯潛庵斌而尙書爲祭酒受枋臣旨劾睢州爲僞學枋臣因擢之副詹事以逼睢州以睢州故兼詹事也先生以文責之一日而其文徧傳京師尙書恨甚顧枋臣有長子案指納闕成德多才求學於先生枋臣以此頗欲援先生登朝枋臣有幸僕安三案指安儀周勢傾京師內外官僚多事之如舊史之蓴山先生者欲先生一假借之而不得枋臣之子乘間言於先生曰家君待先生厚然而卒不得大有飲助某以父子之間亦不能爲力者何也蓋有人焉願先生少施

顏色則事可立諧某亦知斯言非可以加之先生然念先生老宜降意焉先生投杯而起曰
吾以汝爲佳兒也不料其無恥至此絕不與通於是枋臣之子百計請罪於先生始終執禮
而安三知之恨甚枋臣遂與尙書同沮先生崑山徐尙書案徐尙書徐健庵乾學罷官猶領一統志事
卽家置局先生從之南歸略中康熙丁丑年七十矣先生入闈復遠格受卷官見之歎曰此老
今年不第將絕望而歸耳爲改正之遂成進士及奉大對聖祖識其手書特拔置第三人及
第授編修略中而以己卯試事同官不飭篋蓋牽連下吏滿朝臣僚皆知先生之無罪顧以其
事涇渭各具當自白而不意先生遽病死新城方爲刑部歎曰吾在西曹顧使湛園以非罪
死獄中愧如何矣略中所著有湛園未定稿葦間集皆行世先生之文最知名者爲明史稿刑
法志極言明中葉廠衛之害淋漓痛切以爲後王殷鑒一統志諸論序亦經世之文也晚年
尤嗜經學始多說經之作未及編入集中而卒略下顧世人之所知者但先生之文而茫然於
其大節豈知常熟一事則歐陽竟公之於高若訥不足奇也枋臣一事則陳少南之於秦墳
殆有遜之若始終不負崑山則其小焉者矣區區徒以其文乎哉結亭集卷十六

清康熙三十九年庚辰質人六十歲

是年質人客長沙與陶奉長定交奉長名煊寧鄉賢士也見陶母張孺人墓誌銘 懷葛堂文集卷七

是年明遺民陳元孝尹卒年七十獨漉堂集附梁 佩蘭撰行狀元孝為陳邦彥之子邦彥殉國難而元孝亦

隱居不仕與同邑陶苦子何左王何不借梁器圃諸隱君稱北田五子著有獨漉堂詩稿彭躬

菴序云吾易堂魏和公從南海歸亟稱陳元孝之人與其友推重其詩予同堂咸信之雖未一

識元孝間寓書輒齒兄弟乙卯扶衰冒艱險數千里入粵始得見元孝中隨緡獨漉堂詩諸體

兼擅手觸肩倚莫不中音意格渾成發人神悟下

茲錄獨漉堂詩數首讀之即知陳元孝蒙難艱貞之概

感懷 往者不可追來者不可期俛首為今人舉體無一宜有目厭兵革有耳聞號啼有腹

飽糠覈有足履禍樞赤舌有如火更以焚其軀 夢登首陽山鬱哉何巍巍上有二子墳下

有巖與薇寧從白鶴巢不從鳳鳥飛白鶴巢有常鳳鳥來無時子胥耕吳野少伯困會稽一

且先塵埃千秋有餘悲 獄中雜記 烽火兼舟楫艱危四十餘幾為弓外鵠一葬海中魚

債豈他生債名應獄吏書開來尋舊將追問亂離初 舉世悲先烈虛名萃眇身局天非一

日晝地又何人不獻鄒陽作終知石父仲從來黃與綺秦漢未稱臣按元孝曾以事下獄獄中雜記詩二十六章此

錄其一

元孝對於夷夏之防亡國之痛往往流露於詩篇如云胡風自西來四海同其塵海水有門

分上下江山無地限華夷又云莫令亡國月得照渡江人次風陽達中秋欲灑新亭數行淚南朝風

景已全非秋日西郊讌集禮亡已驗伊川髮涕下徒傷賈傅年洛陽懷古詩中敵愾之情亦時見楮墨

間如云手斬郅支頭獻俘鳳凰闕感懷抽出腰下刀深勒燕山字折楊柳歌大恥且不雪獨善有何

稱贈別風死求馬骨言終驗生搥秦胸計已疏燕臺懷古乃知未仕報韓者古今所以為丈夫舟柏

行

清康熙四十年辛巳質人六十一歲

是年三月初旬質人由夏口至南京與茹紫庭痛談浹日此時紫庭將赴雲南景東知府之任

質人有送序送茹紫庭守景東序初夏質人至天津館於張魯菴家本年三月高緝筭任命福建布政使見東華錄魯菴卸任回籍當在此時

藥質人年譜

五九

留百有六日又之京師

上已後十日份買舟夏口比至金陵茹紫庭已還家方嚴程之任滇南痛談浹日始南北分行渡江淮逾泗浮漳衛下直沽時已初夏魯菴張方伯退居一室竟然爲喜留百有六日暑退涼生溯潞之燕市此七閱月舟行四千里之大略也寄劉忠嗣書一 懷葛堂文集卷一

是年七月關中高士李雪木卒年七十一 王心敬太白山人 雪木李先生墓碣

錢儀吉撰太白山人傳云康熙間關中儒者咸稱三李云三李者蓋屋二曲富平子德郡太白山人也九歲孤稍長讀小學曰道在是矣遂盡焚所習帖括而日課古書會童子試不肯就匿枯寺中入智井三晝夜已出走西踰汧南入棧道東登首陽拜伯夷叔齊墓家人跡之歸中母命之乃一就試補博士弟子始名如泌有司改泌爲密山人曰李密以蜀爲僞朝吾不願如之也乃易名柏字雪木母卒遂棄冠服入太白山中率家人力耕刻苦爲學家故貧兵盜水旱滋益困自子德被徵至京師數稱山人賢人始有知之者或欲周之而山人難爲衣食嘗一日兩粥或半月食無鹽時時忍飢默坐間臨水把釣夷然不屑也中著有櫛葉集

自題云山中乏紙采幽巖之肥綠挹心血之餘瀝積久盈篋遂爲集名下略

李雪木與質人交善其所著櫛葉集曾求質人作序

寄梁布衣質人云一春一秋一日一月將古今黑髮少年都被風輪轉老可爲太息弟落拓

一生空山無事胡嘲樵歌書之櫛葉奇零散碎邇來收拾成帙向在湖南曾求大序已蒙允

諾今可賜教使秦人缶聲不同荒煙蔓草樹蟬砌蛩轉眼斷絕者先生椽筆之外更求何人

耶櫛葉集卷三

清康熙四十一年壬午質人六十二歲

是年三月李草堂一風卒年七十有三 草堂與質人同學於邵弘齋質人撰李草堂墓誌銘云

草堂生而神采煥發性倜儻好學勇於爲義幼師弘齋邵夫子獨器重之謂爲可傳其學者也

懷葛堂文集卷七

是年四月萬季野斯同卒年六十五劉坊撰萬季野先生墓誌銘野先生行狀黃百家撰萬季野先生墓誌銘內藤譜作卒年六十誤

萬斯同字季野號石園生有異稟八歲於客座中誦揚子法言如倒峽然不肯守塾師規程

父兄以其頑閉之空室中竊見架上有明史料數十冊讀之甚喜又見有經學諸書皆盡之既出隨諸兄後聽其議論一日伯兄斯年家課請預焉伯兄曰爾何知答曰觀諸兄所造易與耳伯兄奇其言姑雜出經義目試之汗漫千言立就伯兄曰幾失吾弟亟白其父履安先生履安亦愕然曰幾失吾子未幾遣從南雷受業置之絳帳中高坐斯同讀書五行並下如決海隄然守先儒之戒以爲無益之書不必讀無益之文不必作故於書無所不讀而識其大者康熙戊午詔徵博學鴻詞巡道許宏勳以斯同應力辭得免明年開史局崑山徐學士元文延修明史時局中徵士稱著作郎食七品俸學士欲援例以授並辭之以白衣參事不署銜不受俸蓋斯同先世自明初受三等之封世襲指揮僉事迄於國亡故不輕出仕而獨有意於故國之史略中史館有劉繼莊者博涉略相等鈔館中祕書無算持歸蘇之洞庭招斯同曰此間有何樂曷不與我共成千秋之業斯同將赴之時元文已罷官而澤州陳廷敬京江張玉書繼掌史事復留之堅勉成明史列傳三百卷明史表十三卷宰輔覺考八卷河渠志十二卷自後史局雖屢經更定要無能出其底本之外聞繼莊沒頗抑抑不自得遂卒

於明史館中下略
稿儒林傳下鄧志

萬季野極稱賞質人之文章渠嘗評質人送張方伯往山海關序云氣雄力厚如山之岿岿
海之浩蕩非此文不足形關之壯非此關不足當此文之豪古之銘劍閣賦居庸者盡俯出

乎下矣見原刻本序後

是年秋劉羽湊忠嗣客死巴陵舟中質人稱忠嗣天下奇男子也見陶母張孺人墓誌銘懷葛堂文集卷七

是年臘月質人在夏口與許尹重正任陶甄夫處尚以朋友汪農夫于郭善夫恒等同覽熊襄愍

復邊將手蹟并作書後見熊襄愍復邊將手蹟書懷葛堂文集卷六按熊襄愍即熊芝岡廷弼

清康熙四十二年癸未質人六十三歲

是年正月質人偕黃宗夏曰瑚徒步謁十三陵往還五日作圖說一冊圖用宋人石刻開方法相

方指南針計里用跬步圖各有說詳證博考足正肅松錄諸書之誤惜其書不傳

王崑繩十三陵記上下略癸未源友梁份暨新安黃曰瑚徒步往謁份為圖說曰瑚步跬形勢

規制遠近吉凶無不載又參考國史諸陵建立始末悉正肅松錄水東日記諸書之誤下略

梁堂文集
卷十九

質人與朱字綠書云四遊神京未及一謁陵寢每出廣寧門面發赤痛自訶詆無及矣輿地
不身歷徒聽人言往往自誤份問昌平諸陵率答以路甚遠費甚多展謁甚少啓閉甚艱而
虎甚猛衆說紛紜聞之色沮宜乎中止於發邁也獻歲脫除俗事客燕勝友僅得六人期以
元旦偕行至期以事不能行者一人越二日又止者二人又踰宿旣發止者一人份慨然奮
發矢之曰旦明卽孤身必往也夜分趣僕摒擋以俟如約者黃宗夏一人耳乘駟驅出德勝
門數徒步者抵昌平州日初昃又賃一傭僕衣被詰朝步陟至長陵拜謁盡禮其十一陵以
次謁最後謁烈皇帝攢宮合三日乃旣天壽諸陵凡山川樓殿碑塚寶城周垣之方位深廣
目覽足步手書泐成一册左圖右說又懼歲久滄桑變則臺殿湮而不存於是因山之根河
之孺城之址處處計之某至於某若干跬某陵至某陵若干跬又恐迷於所向則考極相方
定二十四山位某位某方某陵位某方遠近交互參相考是二法並行而明室一代之弓劍
百世後不可按圖者斷乎其未有份每念漢唐以來之山陵其存者且彷彿疑似不可別若

湮滅於兔葵燕麥中者又何可紀極生則君臨萬方死乃抔土莫別可不痛哉唐珏之種多青樹心亦良苦然可百年計非悠遠也份之圖說不敢詡爲創始圖用宋人石刻開方法相方用指南針山麓水濱取易改邑不改井之義惟計之以跬則出於心裁非有所襲者蓋律度量衡之不同也久矣九州之丈引人人殊至以里計率漫然計之一無可考也份則以人之短長有不同而跬步則無以異司馬法曰一舉足爲跬再舉足爲步計跬而里可考矣世卽有能爲計里鼓者有操度而量者誰與一舉足之不毛髮爽且近而取諸身也是份之獨見也圖說之成勞瘁於徒行忍飢渴五官並用手足俱勤者份得宗夏之助爲多至於近代諸書采摭參考惟顧炎武之昌平山水記可謂不刊身歷其地也猶不免於一二出入他如肅松錄燕都遊覽志小草齋集春明夢餘錄湧幢小品北遊紀方帝京景物略芹城小志無用閒談國朝典彙白頭閒話方輿紀要水東日記大政記治平略獻徵錄野獲編名山藏否泰錄宙載今言諸書多掛一漏萬且悖謬舛錯書不足盡信不如無書況乎人言哉乃者往還五日人費錢七百車驢飯飲逆旅賃僕賜守陵皆在焉是役也僕備皆飢渴況瘁不免愁

歎惟宗夏壯年能勉彊份自笑雖暮而筋骨猶未之衰也字綠欲問津故一一及之懷葛堂文集卷一

質人往謁昌平諸陵期以元旦偕行然其至京師也必在去年冬末內藤譜謂是歲質人在

夏口作許尹重六十序已而復客燕似有錯誤蓋質人赴夏口必在遊京師之後

是年黃復菴隱君宗夏之父六十質人作序壽之

北平劉繼莊處士也好獎借善類所交徧天下士執經門下者以千數其言可屬大事艱難

百折而不回者則必曰黃君復菴中略君年方六十宗夏不能苟富貴以娛親歸之日貧無所

操操名人之文若詩以稱慶而宗夏固欣然有喜色也下略黃復菴六十序懷葛堂文集卷三

黃復菴隱君以癸未登六十其子宗夏請予文爲之壽君生於甲申適鼎革之際迄今且六

十年矣中略宗夏爲予友劉繼莊先生高弟又請執贄於予予辭焉玉崑繩撰黃復菴隱君六十序居樂堂文集卷十

六

是年作溫虞白遺事後序

虞白先生歿後二十年其子德裕與份交善手先生狀使爲之序下略懷葛堂文集卷二

溫孝懿先生名樹沈字虞白別字清涓三原人以順治丁亥進士知山東堂邑縣甫三月有

舉子路仲者作難因罷歸家居三十餘年力學制行巍然爲鄉黨宗中略癸亥卒於江寧王崑繩撰

溫孝懿先生傳
居業堂文集卷四

按自癸亥康熙二十二年歿後二十年即康熙四十二年又據正始院碑記三原溫君載涓世廡仕

學問淵源中略份與溫君昔講學於京師下略懷葛堂文集卷四載涓爲虞白子即德裕之字質人此序

似作於京師與載涓講學之時

是年八月質人將南歸過張逸峯處作說秋齋記

癸未秋仲子將南歸過張子逸峯張子夙客命酒遠近戚若友盈坐中酒半雜起坐歡然相

洽也張子曰吾治吾齋未有以名者諸君子集願有以名吾齋者客未及對坐定屬有以秋

字爲觴政俯仰各屬思張子之仲父帆齋先生遽起大呼曰說秋余曰此真可以名張子之

齋也說秋齋記
葛堂文集卷四

按張逸峯名坦張霖之子官內閣中書

清康熙四十三年甲申質人六十四歲

是年春初與八大山人書告昨年謁陵之事

警歎不相聞者辛壬癸甲矣長兒文起來述近視甚悉碩果之足以見天心也份年來坎墮無一足爲先生道者惟徂歲同黃宗夏走昌平謁一祖十二宗之陵寢攢宮留數日繪圖列向開方記跬圖各有說爲古今所未有之書尤昭代所必不可無之書行授之梓十五國中各流布十册天潢之賢肖者與忠孝之後義士仁人并藏弄之俾聖祖神宗之弓劍永垂於天壤不致如歷代帝王棲神之域或湮沒於贖水殘山者庶幾此舉與種冬青可絜長量短而份且藉爲祖父報數百年茹毛踐土之恩矣想先生聞此必爲開數十年未開之笑口而展圖一覽又必淒然於此日矣春冰呵凍不宣

與八大山人書
懷葛堂文集卷一

按八大山人原姓朱名奪字雪个明宗室居南昌國變後薙髮爲僧以書畫爲生讀質人此札憂傷感慨知其十三陵圖說爲報國恩而作其書之不傳或以觸犯清忌而被焚燬歟

是年因執友許真意宰陳留新修阿衡廟爲作碑記此時質人或在南歸之途乃逗留其地耳

是年客漢上爲奇士李惠伯作紫硯銘序紫硯銘序葛堂文集卷三

是年爲葉聖祥作律陶序 此時質人已回江西

余舟次鹿渚因友人熊養及交其學子葉聖祥中已而手律陶若干首聲比句律合乎天然
略今年甲申聖祥年纔四十願加之學將見穎異而才美寧獨詩而已也慎葛堂文集卷二

清康熙四十四年乙酉質人六十五歲

是年漢陽蕭節母陳氏卒年六十有二質人爲作傳漢陽蕭節母傳慎葛堂文集卷五

是年客京師見張采舒聽其彈音樂解見康熙四十七年條

清康熙四十五年丙戌質人六十六歲

是年二月王崑繩源偕質人子文中過昌平步登天壽山王崑繩撰十三陵記下居業堂文集卷十九

是年在江西作封位齋墓誌銘又作重新望湖亭記

位齋卒於丙辰八月朔日其子亭輩以初葬土瘠薄今改葬其鄉舊墳距今三十年封位齋墓誌銘

慎葛堂文集卷七

梁質人年譜

望湖亭在吳城土山巔名最著於江右中略丙戌慎齋王公來守是邦下教重新重新望湖亭

文集卷四

是年重遊京師作又持字說復與王秋史平飲於燕市

吾友綽然棄代之期年丙戌余重來京師其長子巖年纔十五一日夢綽然曰燾也貌然孤

也願有以字也又持字說懷葛堂文集卷六

二十四泉內翰王蓼谷構草堂誦讀其上數十年詩名尤著歷下名宿莫與京寓內日思讀

其詩未得也丙戌捷南宮朝夕偕余飲燕市慷慨談天下事獨未及詩明年余將南歸始出

所著草堂詩屬余序蓼谷一字秋史才高性卓犖年十八能詩涉五載不一示人然日爲詩

歲爲帙帙積至二十有七富於詩而用力久寧有加於蓼谷者哉二十四泉草堂詩集序懷葛堂文集卷二

按王秋史名萃號蓼谷山東歷城人丙戌進士改官成山教授所著二十四泉草堂集十二

卷起辛酉至丙申集中未見與質人唱酬之作

是年八月張采舒輩卒年五十一

質人撰張采舒輒榔誌銘云張采舒名疊蘇州上沙人家貧力學能詩文勇於義俠嘗坐事
流關中九州內外咸奇之中略謝代日年纔五十有一下略銘曰上略君今已矣夫何云丙戌秋仲

朔目瞑下略

質人云以余所交有志識士可爲天下用如劉獻廷萬斯同王鉞劉羽湫輩亦後先淪喪惟

采舒強壯天所以曲成全者豈其無意見張采舒
輒榔誌銘

王崑繩云吳門張采舒義俠奇男子中略而其詩和平惋鬱有蘇李陶靖節之遺居業堂文集
卷十四張采

序舒詩

由是觀之采舒亦非常之士也惜其詩文集不傳於世第見杜谿文集中附其書札四篇係
與朱字緣討論陽明之學

是年關中大儒李中孚顯卒年七十九

全謝山撰二曲先生窆石文云按先生姓李氏諱顯字中孚其別署曰二曲土室病夫學者
因稱之爲二曲先生西安之盩厔縣人也中略關學自橫渠而後三原涇野少墟累作累替至

先生而復盛當事慕先生名踵門求見力辭不得則一見之終不報謁曰庶人不入公府也
再至并不復見有餽遺者雖十反亦不受中略陝撫白君欲薦之哀籲得免陝學許君欲進其

所著書亦不可中略癸丑陝督鄂君竟以隱逸薦先生中略辭牘八上時先生以病爲解得旨俟

病愈敦促入京自是大吏歲歲來問起居欲具車馬送使覲天子先生遂自稱廢疾長臥不

起戊午部臣以海內真儒薦復得旨召對中略大吏勸行益急檄屬吏守之先生因稱病篤昇

其牀至行省大吏親至榻前從臾先生遂絕粒水漿不入口者六日而大吏猶欲強之先生

拔刀自刺陝中官屬大駭乃得予假治疾自是以後荆扉反鎖遂不復與人接雖舊生徒亦

罕覲惟吳中顧寧人至則款之而已天子西巡欲見之令陝督傳旨先生又驚泣曰吾其死

矣辭以廢疾不至下略結埼
亭集卷十二

李中孚與質人交期甚厚讀其往來書札便知兩賢契合之情

質人與李中孚書云份與世浮湛不欲受知於世惟懼無短長足當先生之知願立談間許

爲異姓骨肉竊幸不敢自外惟懼爲先生玷耳見懷葛堂文集卷一

李中孚答梁質人書云接來翰暨佳刻能有古人心乃能爲古人文秦邊之遊憂時感事壯

懷激切所籌邊陲情形可謂天下之大有心人

二曲集卷十七

清康熙四十六年丁亥質人六十七歲

是年九月王崑繩澤序質人文集云余與質人俱落拓京師窮且老依人可知質人此時在京

又二十四泉草堂詩集序云丙戌明年余將南歸前見則是年質人復南下矣

是年朱字綠書卒年五十有一

王秋史二十四泉草堂集卷七丁亥有詩題云聞同年張陽朔爾羽卒官因感呂編修無黨

朱翰林字綠同學趙河南豐原今年相繼殞謝據此則知朱字綠卒於是年

方望溪撰朱字綠墓表云康熙丙寅字綠以選貢入太學海內知名士皆聚於京師以風華相標置獨字綠褐衣布履行行稠人中時語古文推宋潛虛語時文推劉無垢字綠見所業遂歸讀書杜溪及壬午再至京師聲譽一日赫然公卿間二君若爲小屈焉遂連舉甲乙科入翰林館中先達皆嚴憚之中略字綠強記文章雄健尤熟於有明遺事抵掌論述不遺名地

中略始字綠歸自京師築室其邑之西山名曰杜溪將著書以終老焉其再出也以家貧多累又自恃體素強齒猶未也雖遲之數年未為晚而竟死於羈旅中略字綠諱書以康熙某年月

日卒於京師年五十有一下略文集卷十二按朱字綠為安徽宿松人

清康熙四十七年戊子質人六十八歲

是年秋質人南歸取道常山訪求張采舒旅楸并作輒榔誌銘

上略甲戌按即康熙三十三年余重遊秦相與交善居五年按即康熙三十八年省余於長沙又六年按即康熙四十四年余

客燕采舒願先至余不解音樂聽其一彈再鼓往往盈耳而悅於心中略明年按即康熙四十五年四月

南歸握別唏噓不自禁按即康熙四十六年歲有言其客死常山者明年按即康熙四十七年余還山取道常

山訪求之無有也越宿始聞之王別駕坦齋始命書吏閱牘徵召逆旅輓柩夫始畢集使導

視始得楸於水門北城隈雜壘構積漫無所識別又不施苦蓋暴露風日中略時別駕

攝邑篆立修刺報謁立鳩工買堊輒和唇灰甃砌外榔圭首樹石碑以表曰張采舒柩立鐫

刻之垂久遠也中略輒榔以九月二十九日成適再期三月禪服闋不寸暑爽常山聞者咸嗟

異之銘曰吳人也胡以入於秦方適西粵也胡殞身於越之濱下略舒顛榔誌銘張采

內藤譜謂質人於采舒死之明年將還山取道常山訪得采舒之櫬並將此段事實誤列於

康熙四十六年條下不知質人途次常山之日確在采舒死後第二年為康熙四十七年若

一按甄榔誌銘中所述年歲之次第即可信而無疑又內藤譜指常山為正定府此更謬誤

查常山屬於浙江衢州府故銘詞有殞身越濱之句

是年代南豐縣令梁津園序曾南豐文集 此時質人已歸江西

戊子始探筴得南豐中略比至居兩月而盡不可為幡然引疾歸中略先生文章至今存焉者寡

矣惟元豐類稿邑中今刻本有四懼或失真後裔國光欲更鑄版可謂能孝而以序屬余代

津園序曾南豐文集
懷葛堂文集卷二

清康熙四十八年己丑質人六十九歲

是年質人由江西北上道經漢口漢陽鄖城

文陟予印藪序云己丑余經由漢口懷葛堂文集卷三陶母張孺人墓誌銘云余己丑道經漢口

懷葛堂文集卷七

汪母何孺人生壙誌云己丑余客漢口

懷葛堂文集卷七

碧梧軒琴譜序云己丑余

北征道經漢陽

懷葛堂文集卷三

正始書院碑記云三原溫君載澗世廕仕學問淵源歲甲申宰

鄆中鄆城南二十五里有地曰紫岡有寺曰普濟其地爽塏而四通君於其側亦既立義學

招生徒而廩給之矣義學東舊有淫祠亦既詔土著毀之矣一日慨然曰富而不教有民社

者之過也乃即其基構書院爲楹三左右廊廡各一前建重門額曰正始中鳩工於己丑某

月以某月日落成中份與溫君昔講學於京師今復北征經其地視其事樂其學之化民而

政之成也

懷葛堂文集卷四

觀以上各文卽知質人由江西北上道經漢口漢陽鄆城而至肅州蓋是年茹紫庭持節使

肅州

見茹公墓誌銘

質人或往訪焉

內藤譜據茹公渠記今上己丑以觀察茹公秉節使肅兼理屯田水利及余重遊肅等句遂

謂質人作記亦在是年殊不知質人此記乃次其弟子辛成用所言追述茹紫庭疏渠之功

而文之結尾且云公諱儀鳳字紫庭宛平人更足以證明質人作記之時紫庭已死

紫庭卒於壬辰

安得謂爲是年耶

是年爲漢陽狂士文賓門師序問真堂詩集序據碧梧軒琴譜序已丑余北征道經漢陽此序當作於是年內藤譜謂作於戊子似非

序云問真堂集漢陽狂士文賓門詩也賓門秉異資少讀書輒恥章句學喜學詩古文辭習

右軍書皆不肯頰首學又不善世俗詩文負才勇喜走馬擊劍走軍前觀戰陣又無一當意

棄去遊燕趙落落寡所合人竊目爲狂荆門胡學士脩子獨重之謂其意氣出於學問願好

大言益伉壯遇顯貴不苟納交顯貴人亦莫與之交張中翰日容言其詩於韓宗伯元少元

少曰賓門積學肆志遯世無悶之高人也行序其詩因作詩贈之海內以是始知其能詩久

益困則之秦略中華陽王山史卻徵聘謝客一日覽賓門華山松樹歌立修刺延賓門主其家

賓門則循循謹謹退然若昔之敬事杜于皇者略中客關中十年海內無不稱文賓門其人也

戊子始歸里解其裝充然者問真堂詩一卷耳下略 懷葛 堂文集卷二

文師汲字賓門嗜讀負氣性文疏爽峭勁詩沈鬱喜揮霍里有偕妻子鬻身營父喪師汲捐

費贖歸遇不義必面斥晚好談武奮袂低昂兩腕骨珊珊鳴欲從戎任邊事不得請乃走吳

越豫章燕齊秦楚述懷弔古悉發於詩文惜卒後散逸同治續輯沃陽縣志卷二十一文苑

按吳仕潮所輯漢陽五家詩選內有文賓門紡山草堂集二卷卷首除載漢陽縣志文賓門列傳外又有仕潮記賓門逸事一段所謂華山松樹歌亦載在其詩集中且有送梁質人之肅州七律一首足以證明是年秋質人由漢赴肅茲移錄於左

先生爲人性豪邁不屑尺寸既讀書能文章謂此齷齪不足以展胸中之奇乃就俠遊學走馬擊劍周四方覓知己旅關中凡八年欲馳驅萬里外立張博望傳介子之功卒不能如意之京師學趙壹賦窮烏幾幸一遇值臺省厭客無薦達者偶投謁一大老閤者弗爲通先生大怒罵曰乃公出身儒者余方以士不遊於門下爲訝乃今知皆爾輩所格吾爲乃公教爾輩舉拳連踏數人聲聞於內主人出強爲溫語以謝先生竟飄然去弗之顧由此知名凡騎驢賣舂之輩爭持羊酒交先生恐後然由此益爲諸貴人所忌曰狂生不可近久之不自聊益發憤於五七字悲涼慷慨如飢鷹餓鷄長鳴秋野聞者色沮中略願沒後其稿散失不可得乾隆丁卯先生門婿吾宗繼徵持腐爛抄本三冊謂余曰此先生易簣時所親授藏已三十

年無轉付者今得遇君先生不朽矣余退讓不敢承未及旬月繼微竟卒嗚呼先生抱負奇偉果能如傅張與否未可知而此有韻之言在先生亦腔血之餘瀝耳因補其殘闕稍加校定列於五家之中以慰先生地下且以答繼微殷殷之託云

華頂將軍松樹歌 蒼龍嶺南直十里大松百丈石上起蟠根不藉寸土封巉巖四圍列礫礫有時拂地吐雲煙抑或攬空作雷雨叶皮藏殘雪漢代封根長孫枝秦時始神物應有鬼神呵老幹不隨蛟龍死淺人指點說晉唐紛紛之議何爲爾試問三峯生長自何時此松與之同年紀

送梁大質人之肅州 又問秦關去漢濱蕭條一劍向誰親八千邊塞冰霜路七十遺民老病身多難祇知添短髮深憂原不爲長貧棲棲當我無家日相送秋風倍黯神

賓門此詩當作於康熙四十八年己丑因質人自云己丑余北征道經漢陽凡碧梧軒琴譜序此其證一是年質人六十九歲詩中云七十遺民恰相合此其證二又依此詩可知質人已丑北征是往肅州無疑

國朝詩的湖廣省門載湘潭張豈石瑛七日送梁大質人往肅州七律二首 七載分攜楚水濱白頭吟苦見交親重逢人日題詩地猶是天涯遠客身老去筋骸還作健生來心事不憂貧行行盾鼻書還著每把高文輒有神 一卷光芒懷葛堂讀餘搔首望蒼蒼此生有願事千古明日思君天一方金椀荒丘悲蔓草鐵函良史凜秋霜岐陽此去應回首記聽歌聲是楚狂 第一首韻脚與文賓門送梁質人之肅州詩相似步其原韻而作又按原刻懷葛堂文集陶母張孺人墓誌銘後有文賓門張豈石評語質人此文作於己丑年道經漢口之時文張二人當日亦必在同地由此可證明豈石此詩與賓門共賦於一時也 讀賓門相送秋風倍黯神之句知質人由漢口赴肅州是在秋間又豈石之詩標明賦於七日其第二首有句云明日思君天一方則質人啓程之日爲八日惟不知究在何月以其詩意揣之當不出八九月耳

清康熙四十九年庚寅質人七十歲

是年王崑繩源卒年六十三李堪撰王源傳

王源字崑繩世爲直隸宛平人父某明錦衣衛指揮明亡流轉江淮寓高郵源少從其父喜任俠言兵少長從寧都魏叔子學古文性豪邁不可羈束略中年四十餘以家貧父老始遊京師備筆墨貴人富家多病其不習時文笑曰是尙需學而能乎因就有司求試舉京兆第四人曰吾寄焉以爲不知己者詬厲也略中晚年與蠡縣李堪遊大悅之遂與師事博野顏習齋學禮終日正衣冠對僕隸必肅恭然自負經世之略益堅之略中五十後葬其親遂棄妻子爲汗漫之遊略中逾六十復歸往來金陵淮陽間客死山陽惟兄之甥蔣衛視含斂卒之夕神色傲然無一語及家事四君子傳見方望溪文集

清康熙五十年辛卯質人七十一歲

是年二月作吳仲昭八十序 仲昭南昌人此時質人在江西仲昭吳翁八十序懷葛堂文集卷三

清康熙五十一年壬辰質人七十二歲

是年二月茹紫庭儀風卒年六十三 質人作墓誌銘

上略已丑持節使肅中略再期秩滿以次推江西按察使忽疾作中風中略公生順治庚寅十月二

十三日終康熙壬辰二月二十二日享年六十有三下略 茹公墓誌銘

是年修國勳爲江西巡撫東華錄 質人爲其子申之作潛修軒詩集序懷葛堂文集卷二 又作賴母彭

孺人墓誌銘彭孺人江西會昌承鄉人 懷葛堂文集卷七

清康熙五十二年癸巳質人七十三歲

是年作建昌郡清香閣記

上 略 壬辰海寧陳公以刑部尙書來守是邦不期年百度一新明年於廳事東斥地構閣下略

香閣記懷葛堂文集卷四

是年二月初十日戴田有世名以南山集獲罪處死年六十一 康熙三十六年正月質人客京

師嘗與戴田有同壽萬季野六十見前

康熙五十二年歲癸巳二月初十日戴憂庵先生伏法於京師中略 先生諱名世字田有一字

裼夫號藥身又自號憂庵身後鄉先輩及四方學者皆稱之曰宋潛虛先生以宋爲戴族所

自出也中略 先生幼聰穎六歲從塾師受學中間以疾未能專讀凡五年而四書五經畢自是

窺探經史百家卽善爲古文辭略中康熙庚申先生年二十八入縣學爲諸生略中又四年乙丑以廩生得選拔貢生略中丙寅冬入京明年以選貢生考取補正藍旗教習考授知縣應京兆試被放略中乙酉應順天鄉試中式舉人略中己丑會試中式第一名貢士殿試一甲二名進士授職翰林院編修時先生春秋已五十有七矣又二年以南山集獲罪獄辭具於辛卯之冬又二年論死蓋先生少以明史自任略中與余生書曰前者浮屠黎支自言永歷中宦者爲足下道滇黔間事余聞之載筆往問焉余至而黎支已去因教足下爲我書其語來去年冬乃得讀之稍稍識其大略而吾鄉方學士有滇黔記聞一篇余六七年前嘗見之及是而余購得此書取黎支所言考之以證其同異蓋兩人各有詳有略而亦不無大相懸殊者略中昔者宋之亡也區區海島一隅僅如彈丸黑子不踰時而又已滅亡而史得以備書其事今以弘光之帝南京隆武之帝閩越永歷之帝兩粵帝滇黔地方數千里首尾十七八年揆以春秋之義豈遽不爲昭烈之在蜀帝昺之在崖州而其事漸以滅沒略中老將退卒故家舊臣遺民父老相繼漸盡而文獻無徵凋殘零落使一時成敗得失與夫孤忠效死流離播遷之情狀

無以示於後世豈不可歎也哉終明之世三百年無史金匱石室之藏恐終淪散放失而當

世流布諸書缺略不詳毀譽失實嗟乎世無子長孟堅不可聊且命筆鄙人無狀竊有志焉

中足下知犁支所在能召之來與余面論其事則不勝幸甚按此書刻入南山集而田有至身遊大禍即以此也中略

康熙辛卯冬武進趙都諫中喬據南山集題參而同時又多忌先生名者力擠之中相國安

溪李公雅重先生欲疏救於萬死一生之地卒不可得然尚賴仁廟寬仁減吏議極刑改死

罪而已牽連三百餘人悉為保全而先生宗族及子弟悉蒙寬宥方氏遣戍及隸旗籍者按

孝標族闕調黑龍江方苞編旗下雍正元年恩詔均為赦宥焉下略蕭敬孚撰戲臺庵先

清康熙五十三年甲午質人七十四歲

是年作新修建昌府學記

吾郡學宮久傾圮蕪穢甚壬辰冬海寧陳公來守吾郡以風化為己任中捐己俸特理而新

焉中自甲午某月庀材鳩工以某月日落成懷葛堂文集卷四

是年奏對巖齡卒年七十八

康熙十九年庚申質人從魏叔子遊無錫曾主秦對巖館舍

清康熙五十四年乙未質人七十五歲

是年代陳郡侯作重修建昌城隍廟碑記

某守官三載樂其人文蔚起百廢方興獨城隍之廟有愀然於心者中略予葺郡學成乃撤廟

而新之中略始乙未某月成某月下略懷葛堂文集卷四

按以上三年間所作之文質人此時當居建昌其鄉南豐縣卽隸此郡

清康熙五十五年丙申質人七十六歲

是年作馮渭陽畫像記

馮渭陽世居撫州之詞源生年己丑中略今君享年六十有八下略懷葛堂文集卷四自生年己丑推算

至六十八卽康熙丙申

清康熙五十六年丁酉質人七十七歲

是年秋杪太倉顧玉亭訪質人於豫章

歲丁酉秋杪太倉玉亭顧君訪予於豫章顧顯玉亭序 葛堂文集卷三

是年作送丁酉典試秦太史序 秦太史即無錫秦南沙是年典試江西葛堂文集卷三

清康熙五十九年庚子質人八十歲

是年作懷遠將軍郭登龍墓表

懷遠郭將軍者閩之福清世家子以武選授西安衛累官都閹葬西安鄂杜間則厥嗣恆始

著籍也中略鄂杜間山既買亦朱邑之桐鄉矣走過而指之曰此牛眠地也恆善之甲午乃葬

於今七年矣恆以走不諛墓而以表碣屬不獲辭將軍子恆字善夫方需次州牧善夫之子

景文純已任興平教諭今陞知縣候補下略 懷遠郭將軍墓表 葛堂文集卷七

質人又曾作郭母陳太君七十序不著年月其文云上略郭子善夫孝慈人也翩翩儒雅寄應

關中中略令子景文純以名諸生一日匹馬追余馳三十里致贖金談甚暢亟道其祖母陳太

孺人賢中略今晚春朔子孫斑爛祝七十下略 葛堂文集卷三 按此文當作在郭登龍墓表之前因

此時景文尙爲諸生未任教諭未陞知縣候補也

是年作坡山朱氏宗譜序 此序作於浙江內藤譜以坡山在江西瑞州西十里遂疑質人作於江西

今撫浙中丞可亭公手自修之歷數載而坡山之譜始告成庚子鈐版摹印始授各子姓以

譜中中丞公鑄既成份適至越屬以校帝虎序下略坡山朱氏宗譜二

是年六月涂惕巖尙卒年七十有九 惕巖江西新城人魏叔子之門人也質人為作墓誌銘

徐君惕巖墓誌銘懷葛堂文集卷七

是年又作鄜州刺史黃畏巖光墓誌銘畏巖世居新城亦為魏叔子之門人內藤譜列於六十年辛丑條下誤

畏巖名光會世居建昌新城康熙己酉舉於鄉壬申筮仕河間南皮令三考著績擢陝西鄜

州刺史不匝月引年歸家食十九年令終距所生明崇禎丁丑得年八十有四下略鄜州

巖墓誌銘懷葛堂文集卷七

代石外臺作重新德勝門關廟記石外臺即江西按察使石蘇萬德勝門在新城懷葛堂文集卷四

又作帥周合藁序周二子皆南昌人懷葛堂文集卷三

滑康熙六十年辛丑質人八十一歲

是年冬質人在建昌未幾游閩集唐詩十律以贈攝理福州將軍石蘇萬并爲童智涵審作閩游草序

會稽智涵童君負經緯才爲吾外臺石公上客辛丑冬公攝理鎮閩將軍事道出建昌僕因

公接見中略僕游閩謁外臺與童君數晨夕中讀閩游諸什則秀麗冲融直逼王孟而閩之人

物山水土風畢著其中下略懷葛堂閩游草序文集卷二

蘇萬石公按察江西遇先生敬禮有加及公奉命理福州將軍事先生買舟過訪集唐詩十

律以爲贈下略童智涵跋語附於集唐詩之後

是年梅定九文卒年八十九方苞梅徵君墓表

梅定九名文鼎字勿菴安徽宣城人於書無不讀而特好歷算之學少師事明遺民倪觀湖

受麻孟璿歷法書一帙不數日悉通曉爲之注釋補成歷學駢枝四卷觀湖見之大驚以爲

非意所及也中年喪偶不再娶閉戶覃思謝絕人事值書之難讀者必欲求得其說往往致

廢寢食格於他端中輟耿耿不忘或讀他書無意中若然有觸而積疑冰釋乘夜秉燭亟起書之或一夕枕上所得累數日不盡每漏四五下猶篝燈夜讀味爽則已興矣數十年如一日其精力過人如此聞有通茲學者雖在遠道不憚蹇裳往從亦詳告之無隱會修明史同里施愚山侍講以書問勿菴因爲歷志贅言寄之史局亦亟欲得勿菴又數年始至京師局中皆大喜以歷志屬詳定爲訂正訛舛五十餘處其著述甚富論歷算者凡七十五種

參看毛際

可撰傳朱書送序方苞撰墓表
杭世駿撰傳阮元撰疇人傳

質人有送梅定九北上詩及書梅勿菴推一元消長圖後

清康熙六十一年壬寅質人八十二歲

是年質人在江西南昌代王中丞作新修廣潤城門記

按江西南昌府志卷九建置康熙六十年廣順城門燬王企靖重建

爲新喻令張柱客作香樵集序

上 壬寅夏張侯與余始相見於豫章一見尋別去快快於余心亟讀其香樵初集

下 香樵集序

懷葛堂文集卷二

是年質人又在武昌爲郭善夫再跋熊芝岡手蹟

上略 跋在壬午今二十年並手蹟歸余友郭子善夫 下略 再跋芝岡手蹟 按壬午即康熙四
懷葛堂文集卷六

十一年閱二十年即康熙六十一年此時熊芝岡手蹟既歸郭善夫則質人此跋必爲善夫
而作再据大觀山七夕詩序質人來武昌僦僧舍與郭善夫僑居相近其時已年愈八十正

若是年歲數 是年質人八十二歲 則質人再跋芝岡手蹟又在武昌無疑也

武昌楚都會中峙三山大觀爲最友人郭子善夫僑居焉余來遊僦僧舍相近者往來數晨
夕蓋素心離索於茲十年矣明年避囂漢上與武昌相望而閩隔大江江漲風浪惡雖皇遊
重大事艤鱣巨艘不敢渡無問小艇而郭子餽問如初也暑退客久歸思動郭子肅客爲七
夕會七客分居江東西皆皓首皤然余且逾八十惟郭子富春秋服官政 下略 大觀山七
夕詩序 懷葛堂

文集
卷三

清雍正元年癸卯質人八十三歲

是年質人來往於武漢之間 參看上條所錄大觀山七夕詩序

清雍正三年乙巳質人八十五歲 此時質人已歸江西

是年作同學賴牧庵七十序

牧庵爲易堂魏季子之門人康熙辛亥年十六依此推算七十歲即在雍正三年參看賴牧庵七十序

懷堂葛文集卷三

清雍正四年丙午質人八十六歲

是年爲汀州雷殷薦進士作其父母合葬誌銘

汀州雷殷薦成康熙乙未進士既宴以養二親告歷年十有二息菴太翁陰太母後先卒丙

午殷薦奉二親柩將合葬泉上自閩之江右南豐者五不以份不能文以誌銘屬固辭弗獲

息庵雷太翁暨元配陰太母合葬墓誌銘 懷葛堂文集卷七

清雍正五年丁未質人八十七歲

是年王君選佐文卒年六十有六質人爲作傳君選南豐人

康熙十三年甲寅君選年十三卒年六十有六依此推算君選卒於是年參看王文佐傳 懷葛堂文集卷五

清雍正六年戊申質人八十八歲

內藤譜謂質人卒於是年年八十九並云全謝山祖望以雍正七年督學王蘭生之選充貢

入京師又謝山撰劉繼莊傳謂及余出游於世而繼莊同志如梁質人王崐繩皆前死不得

見是則質人卒於是歲也無疑 按董秉純所編全祖望年譜七年己酉王公以先生充貢

先生又辭王公不許遂以明年春北上可知質人充貢入京在雍正八年而非雍正七年且

是年質人八十八歲亦非八十九歲謂爲卒於是年誤也

清雍正七年己酉質人八十九歲卒於南豐

是年爲門人何良頤作何氏宗祠記

何氏宗祠記後有何良頤跋上略茲記縱橫變幻上下千古感慨淋漓時年八十有九夫子儔

家郡城是年來省先塋寢疾三日遂爾告終下略懷葛堂文集原刻本由是可斷定質人得年八十有

九卒於南豐

清史列傳卷七十文苑傳一附魏禧傳

梁份字質人江西南豐人少從彭士望魏禧遊講經世之學工古文辭嘗隻身遊萬里西盡武威張掖南極黔滇徧歷燕趙秦晉齊魏之墟覽山川形勢訪古今成敗得失遐荒軼事一發之於文方苞王源皆重之其論山海關謂自明洪武間始設隋置臨渝於西唐爲榆關東北古長城燕秦所築距關遠皆不足輕重金之伐遼自取遷民始李自成席卷神京敗石河而失之天之廢興人之成敗而決於山海一隅荒榛千百世之上而偏重於三百年間天下定則山海安山海困則天下舉困其安危之重如此生平以未游山海爲憾爲人樸摯強毅守窮約至老不少瘁卒年八十九著有懷葛堂文集十五卷西陲今略八卷

附譯內藤虎次郎所著梁質人年譜原著見讀史叢錄二卷九一頁至二五四頁

明崇禎十三年庚辰 質人大約生於此歲 據李草堂名一鳳墓誌草堂年七十三卒於康熙四

十一年壬午而誌中有言余在弘齋夫子明邵門牆日草堂已十年以長則是歲質人年六十

三由此逆算之 許尹重六十序作於康熙四十二年癸未今余與君年皆踰六十亦可以備證

清順治元年甲申 質人五歲

順治十一年甲午 質人十五歲 李草堂幼師弘齋夫子已見於墓誌又質人小李十歲從

遊弘齋則在十五六歲以前可知 國朝耆獻類徵卷第四百引吳德旋之聞見錄曰

程山在江西南豐故約齋謝文淳之號與邵先士講易處也

邵先士名睿明南豐人諸生少穎慧長以文名邑中邑中人爭延為子弟師先後受業百許人

先士有兄為邑吏及禍破產不能自贖先士傾私產脫之先士性虛受樂規諫以執德不宏清高

宗諱弘字故以宏字代之為己病因自號曰宏齋

哭確齋先生文曰今樹廬夫子遠出而未歸先生與弘齋夫子釋大方師皆舍我而去世之知

我者盡矣是則宏齋之卒當在林確齋卒年以前確齋卒於康熙十七年戊午

康熙元年壬寅 質人二十三歲

康熙三年甲辰 質人二十五歲

康熙十二年癸丑 質人三十四歲 始以彭躬菴士望為師當在此歲 哭魏勺庭夫子文曰

份事樹廬夫子於今八年 魏勺庭卒於十九年庚申由此逆算而定之 樹廬為躬菴之別

號 惟癸丑卒歲侍先生其教份之語已備載之書冊此見於哭確齋先生文是則此歲質人

當在寧都易堂從遊彭躬菴林確齋等

是歲十一月吳三桂舉兵叛清朝 東華錄 聖武記

康熙十三年甲寅 質人三十五歲吳三桂軍略四川湖南湖北等地 東華錄 聖武記

康熙十五年丙辰 質人三十七歲 二月吳三桂之將高大傑 趙翼皇朝武功紀盛魏源聖武記 並作高大節 逆臣傳作高得

捷 陷江西吉安未幾大傑死韓大任守之七月清之簡親王喇布軍圍之不能下 三桂將馬

寶等率兵援吉安 參采東華錄 聖武記

質人於是歲二月由江西抵長沙爲韓非有即大乞援於吳三桂三桂留之三月初一日與清

安親王軍戰於官山使質人觀戰廣陽雜記

封位齋濬卒於八月程山謝約齋之門人也墓誌銘

康熙十六年丁巳 質人三十八歲 正月馬寶援吉安之師引去 四月韓大任潰圍走與土

寇合竄踞江西各地清師不能勦 寧都魏際瑞伯子魏聞大任爲豪傑欲全之使就清軍招

撫事不成爲大任所害 大任以十月拔營走福建參采東華錄聖武記魏按質人去韓軍

大約在此時歟

康熙十七年戊午 質人三十九歲 正月韓大任以一萬餘人降康親王傑書軍 八月吳三

桂死於衡州東華錄

是歲林確齋時益卒年六十一疑年確齋故明南昌宗室之子變姓名爲林確齋與彭躬菴爲

友迨躬菴與魏叔子定交乃與確齋挈妻子偕往家於叔子所居之翠微峯所謂易堂九子之

一也質人祭確齋先生文曰

弘齋夫子嘗問冠石何以待子份以樹廬夫子嚴父確齋先生慈母爲對而恕份所短取份所長於有過中而諒其無他者惟先生一人耳 份前後至冠石皆不半載惟癸丑卒歲侍先生躬耕 石爲江西寧都金精山中之巖名見說史方輿紀要林壑竄徒居於此種茶則可知翠微峯亦金精山十二峯之一出於魏叔子翠微峯記及大清一統志則可知 其在易堂從遊之狀

康熙十八年己未 質人四十歲 揭韓然文集序己未余以古文辭遊四方余十年中紆迴數萬里閱人多則是歲以前質人之生活得以推測

康熙十九年庚申 質人四十一歲 春彭躬菴赴浙江 送朱簡 使質人從魏叔子出遊且爲其

門人 哭魏勾庭 質人從叔子遊無錫主秦太翁館舍 送丁酉典試 十一月叔子自無錫赴故人

之約舟至儀真忽發心氣病一夕而卒年五十七時質人從行 魏季子撰叔子紀略

質人哭魏勾庭夫子女曰

門人梁份新刻夫子詩文集陳樞前躡踊而哭曰份奉命校讎有成功矣乃夫子遽至是耶 夫子固善病昨僕夫自真州 即儀真 至暮叩門心動從門間問夫子安然後啓而納之書中亦

言體大健以是份留數日待此集之成惡知二日內而病病而如是哉份傷心夫子者不在不得永訣不親視含殮爲兒女子之私耳

然則質人雖從行叔子而爲校刻詩文集暫離其側叔子卽於此時因急病而死者

康熙二十年辛酉 質人四十二歲 過鹿渚河南歸德府鹿邑縣見明遺老熊見可此見於熊見可先生

哀辭份三過鹿渚皆匆匆去獨辛酉留旬日云

康熙二十二年癸亥 質人四十四歲 是年彭躬菴卒年七十四疑年

康熙二十三年甲子 質人四十五歲 是年甘肅提督侯爵張勇卒國史館本傳 遼人王定山諱

燕贊張勇中軍與質老相與甚深質人因之徧歷河西地著爲一書凡數十卷曰西陲今略歷

六年之久寒暑無間其書始成廣陽雜記 質人答劉體元書云份向在黃定山所寡聞渺見未能

成書由是可知此時所成者尙未定稿黃定山卽王定山也黃王晉近 所云六年者自魏叔

子卒之翌年康熙二十年至劉繼莊入燕京之前年康熙十五年是卽質人第一次在河西之時期

康熙二十六年丁卯 質人四十八歲 是年劉繼莊獻廷由吳入都廣陽雜記 繼莊始在都中見

質人之著書當在此歲

康熙二十七年戊辰 質人四十九歲 據有美堂集序及一硯齋集序是年質人客金州陝西興安

府之與劉體元定交序其一硯齋集又為知府李筠菴序其新刻有美堂集

康熙二十九年庚午 質人五十一歲 是年夏與黃復菴同客其嫗茹紫庭所黃復菴六十序茹紫庭

名儀鳳宛平人為陝西岐山知縣時以禮遇李中孚顯李雪木柏李天生因篤而有名尋為湖

南衡州府同知質人作客大約在其衡州任中耳

是年劉繼莊復至吳見於王崑繩之劉繼莊墓表 茹紫庭在衡州以招致劉繼莊及劉元叔

廷獻劉羽遜忠嗣等而有名 此事亦當在是年以後二三年之間

康熙三十年辛未 質人五十二歲 劉繼莊與質人遇於星沙長沙之地名 狹路鈔錄西陲今略

經始於二月初一日至二十二日錄畢廣閣雜記 雜記謂壬申之春與質人相遇似誤

是年質人送王都督肇菴之遵義序作於寧都可證其在江西

康熙三十一年壬申 質人五十三歲 是年春楚游倦歸道出鄂渚武昌見揭韓然文集序 潘

柳東八十序亦記是年客於鄂渚

康熙三十二年癸酉 質人五十四歲 以事之榆林見修復甘泉碑記是則明年第二次河西

游歷發端於斯歲也 與熊孝感書都城數月云云以下述秦游之役其啓程是由燕京耳

康熙三十三年甲戌 質人五十五歲 重游秦塞取道枹罕 贈吳其矩序張采舒韻柳誌銘 七月杪返長安以

南方乘舟之人策馬五月 答劉體元書 此游陝西驛傳道張霖出百金爲質人治裝遂得完成十年

前起草未成之書詳見與熊孝感書及答劉體元書今以抄載兩書於別項略之 與熊孝感書稱張霖爲張

觀察答劉體元書稱觀察答張公

是歲在秦與張暈字采舒定交 張采舒韻柳誌

康熙三十四年乙亥 質人五十六歲 六月張霖由陝西驛傳道升爲安徽按察使 東華錄姜邁圖宸

英之梁質人懷葛堂集序稱安徽張公者是也

作明威將軍和鈞天墓誌銘 和鈞天葬於善化然則質人此時在長沙歟

劉繼莊是歲七月卒年四十八

康熙三十七年戊寅 質人五十九歲 十月張霖升爲福建布政使東華錄 據周子儀告別倡

和詩序是歲質人似在京師 參考姜湛園之集序其入燕當在三十四年以後 據張采舒

輒榔誌是歲質人客長沙歟

康熙三十九年庚辰 質人六十一歲 據陶母張孺人墓誌銘是歲庚辰余客長沙與奉長定

交奉長陶氏張孺人之夫 因余交劉忠嗣忠嗣天下奇男子也

康熙四十年辛巳 質人六十二歲 三月高緝睿爲福建布政使東華錄 張霖卸任當在此時

畿輔通志記其署雲南巡撫緣事落職家居亦爲是歲之事耳 據與劉忠嗣書上已後十日

份買舟夏口比至金陵茹紫庭已還家方嚴程之任滇南痛談浹日始南北分行渡江淮逾泗

浮漳衛下直沽時已初夏魯菴張方伯退居一室蹙然爲喜百有六日暑退涼生溯潞之燕市

此七閱月舟行四千里之大略也由此可知是歲赴燕京旅行之大概 茹紫庭此時將赴雲

南景東知府之任 質人有送茹紫庭守景東序其後紫庭遷雲南楚雄知府再遷廣西廣南

知府其在何歲不詳 張魯菴方伯卽張霖此時已卸任歸住天津

茹紫庭墓誌份至雲南暑飲至夜分此時紫庭正在雲南惟其年不詳

康熙四十一年壬午 質人六十三歲

正月在京師與王源諸友壽萬季野斯同六十

王源居業堂集

萬季野六十序 四月季野卒

秋劉忠嗣客死巴陵舟中

陶母張孺人墓誌銘

臘月在夏口與許尹重正任陶甄

夫廡郭善夫恆等覽熊襄愍復邊將手蹟而書其後

作李草堂一鳳墓誌銘一鳳邵弘齋之門人也

康熙四十二年癸未

質人六十四歲

是歲質人在夏口作許尹重六十序已而復客於燕

張采

舒叙柳銘

與新安黃曰瑚宗夏徒步謁十三陵作圖說

參采與朱字綠書與八大山人書及王源居業堂集 此事另載

與朱字綠書有四游神京云云則自此以前至燕已有四次參看康熙二十六年三十二年三

十七年四十年之條

說秋齋記癸未秋余將南歸然則是年質人就南歸之途歟

康熙四十三年甲申

質人六十五歲

春初與八大山人書報前年謁陵之事書中言長兒文

起來述山人近狀

是歲作陳留阿衡廟記或在南歸途次淹留開封附近歟

又紫硯銘序

是歲客漢上

康熙四十五年丙戌 質人六十七歲 二月王崑繩源與質人之子文中步登天壽山謁明陵

王源居樂堂 集十三陵記 八月張采舒輦客死常山 正定府 張采 舒輦櫛誌銘 作封位齋墓誌銘

康熙四十六年丁亥 質人六十八歲 九月王崑繩源序質人文集序中云余與質人俱落拓

京師窮且老依人則此時質人當在京惟二十四泉草堂詩集序云丙戌之明年余將南歸又

張采舒輦櫛誌記采舒死之明年將還山取道常山訪得采舒之櫬然則是年復就南歸之途

歟

康熙四十七年戊子 質人六十九歲 為漢陽狂士文賓門作問真堂詩集序當在此年

康熙四十八年己丑 質人七十歲 碧梧軒琴譜序余北征道經漢陽陶母張孺人墓誌道經

夏口文陟予印藪序經由漢口汪母何孺人生壙誌客漢口正始書院記今復北征經鄗城茹

公渠記重遊肅皆在此歲其由江西鄉里作肅州之遊道途所由足以明矣 是歲茹紫庭以

觀察乘節使肅見其墓誌質人以七十老軀三度赴西北邊疆而依茹紫庭者 據墓誌紫庭之 官職為整飭貳

州等處撫治番彝兼管肅鎮
屯田事務按察使司副使 是歲作茹公渠記記紫庭疏鑿渠水之利

康熙四十九年庚寅 質人七十一歲 王崑繩源卒年六十三李恕谷塔王子源傳

康熙五十年辛卯 質人七十二歲 二月作南昌人仲昭吳翁八十序此時已歸住江西歟

康熙五十一年壬辰 質人七十三歲 茹紫庭再期秩滿以次推江西按察使二月忽疾作而

卒年六十三質人作墓誌銘 是歲修國勤爲江西巡撫質人爲其子申之作潛修軒詩集序

參采清史稿東華錄

康熙五十二年癸巳 質人七十四歲 作建昌郡清香閣記

康熙五十三年甲午 質人七十五歲 作新修建昌府學記

康熙五十四年乙未 質人七十六歲 作重修建昌城隍廟碑記 據以上三年間所作之文

質人此時常常居於江西建昌府其鄉里南豐縣亦在府內

康熙五十六年丁酉 質人七十八歲 贈顧玉停序秋杪玉停訪質人於豫章江西南昌玉停太

倉人 是歲修國勤罷江西巡撫

康熙五十九年庚子 質人八十一歲 作郭將軍登龍墓表甲午乃葬於今七年謂葬於西安由此推算即是在是年

鄆杜間郭母陳太君即登龍之妻七十序郭子善夫名恆登龍之子寄居關中令子景文純以名諸生一日

匹馬追余三十里致贖金乞壽序由是觀之是歲似先在西安再由西安而歸江西者

涂尙禳六月卒魏叔子之門人也 質人爲作墓誌銘

是歲所作代石外臺重新德勝門關廟記在南坡山朱氏宗譜序坡山在江西瑞州西四十里 帥周合墓序

二氏皆南昌人似皆作於江西此時質人當居其鄉里耳

康熙六十年辛丑 質人八十二歲 代江西巡撫王企靖作新修廣潤城門記門在南昌題中僅稱王中丞企

靖之名係據清史稿東華錄等 作鄜州刺史黃光會墓誌銘光會魏叔子之門人也

閩游草序云冬吾外臺石公攝鎮閩將軍事道出建昌僕因公接見接見閩游草序者童智涵是年冬質人

似在鄉里同序僕游閩謁外臺與童君數晨夕是未幾而又游福建其老健可知

康熙六十一年壬寅 質人八十三歲 壬午康熙四十年之後二十年有再跋芝岡熊襄愨公廷弼之號手蹟

之文當作於此歲文中記其手蹟歸郭善夫 又大觀山七夕詩序質人來武昌儼僧舍與郭

善夫僑居相近明年避罽漢上而郭子饋問如初郭子肅客爲七夕會余且逾八十惟郭子富

春秋服官政此一二年質人當在武漢之間

雍正元年癸卯 質人八十四歲

雍正二年甲辰 質人八十五歲 福建汀州人雷進士殷薦
康熙未進士 父雨潤卒

雍正四年丙午 質人八十七歲 雷進士殷薦自園之江西南豐者五次乞父母
母陰氏康熙五十九年卒

合葬墓誌銘質人爲其作之

雍正六年戊申 質人八十九歲 是歲卒
國朝先正事略及尙友錄

全謝山祖望以雍正七年督學王蘭生之選充貢入京師又謝山之劉繼莊傳及余出游於世

而繼莊同志如梁質人王崑繩皆前死不得見是則質人卒於是歲也無疑

質人之父祖不詳 據復伯兄書謂家無聞人書中有云今兩子一爲邑文學一爲博士弟子員

與八大山人書述及長兒文起然則見於王崑繩十三陵記之文中是爲其次子



23583

782.9

732

2

梁質人年譜

湯中編

國立北平圖書館

NATIONAL LIBRARY OF PEIPING
PEI-ING

登記號 23583

書號

782.9

Acc. No.

Call No.

732

2

中華民國二十二年六月初版

(二〇四五二)

中國史
學叢書
梁質人年譜一冊

每冊定價大洋陸角

外埠酌加運費匯費

版 翻
權 印
所 必
有 究

編 著 者 湯 中

主 編 者 何 炳 松

發 行 人 王 雲 五
上海河南路

印 刷 所 商 務 印 書 館
上海河南路

發 行 所 商 務 印 書 館
上海及各埠

